

增修學慶州志卷之十

崇慶州知州沈恩培輯



藝文

書籍

晉

常寬謨典言五篇 詩賦論議二十餘篇 蜀後志

後賢傳 續陳壽耆舊傳 梁益篇

常璩謨華陽國志十二卷 史漢書十卷 蜀李書

九卷 史漢書異同詳璩傳

唐

梅彪謨百藥爾雅二卷 大邑志載

崇慶州志 卷之十

藝文書籍

宋

李繁謨桃溪集一百卷

張公裕著周易註解 春秋註解

文正倫著東岩野老集八十卷

張簡謨周易義略九卷 易問難二十卷

唐慎微著證類備急本草三十二卷

明

尹涪謨陶洽集二十卷

劉成穆謨鉉倩集

國朝

何明禮謨江原文獻四卷 浣花草堂志六卷

斯邁草正集續集四卷 太平春新曲一卷

陰符經註若干卷

張遠烈謨銘閣草詩一卷

謝攀雲翠圍山房詩八卷

崇慶州志

卷之十

藝文書籍

二

增修崇慶州志卷之十

崇慶州知州沈恩培輯

詩

送杜少府之任蜀州

王勃

城闕輔三秦風煙望五津與君離別意同是宦遊人
海內存知已天涯若比隣無為在歧路兒女共霑巾

送趙司馬赴蜀州

宋之問

餞子西南望烟綿劍道微橋寒金雁落林曙碧雞飛
職拜輿方遠仙成履會歸定知和氏璧遙掩玉輪輝

和裴迪登新津寺寄王侍郎

自注王時牧蜀按杜詩註即王縉也

杜甫

崇慶州志

卷之十

藝文詩

何悵

一作恨

倚山木吟詩秋葉黃蟬聲集古寺鳥影度

寒塘風物悲遊子登臨憶侍郎老夫貪佛日隨意宿
僧房

酬高使君相贈

古寺僧牢落空房客寓

一作得

居故人供祿米隣舍與

園蔬雙樹容聽法三車肯載書草元吾豈敢賦或似

一作比相如

奉簡高三十五使君

當代論才子如公復幾人驂騮開道路鷹隼出風塵
行色秋將晚交情老更親天涯喜相見披豁對道

吾真

敬簡王明府

葉縣郎官宰周南太史公神仙才有數流落意無窮
驥病思偏秣鷹秋一作愁怕苦籠看君用高義恥與萬人同

重簡王明府

甲子西南異冬來只薄寒江雲何夜盡一作靜蜀雨幾
時乾行李須相問窮愁豈有自一作寬君聽鴻雁響恐
致稻梁難

逢唐興劉主簿弟

分手開元末連年絕尺書江山且相見戎馬未安居
劍外官人冷關中驛騎疎輕舟下吳會主簿意何如

崇慶州志

卷之十

藝文詩

二

送張十二參軍赴蜀州因呈楊五侍御

好去張公子通家別恨添兩行秦樹直萬點蜀山尖
御史新驄馬參軍舊紫髯皇華吾善處於汝定無嫌
追酬故高蜀州人日見寄并序

開文書帙中檢所遺忘因得故高常侍適往居成

都時高任蜀州刺史人日相憶見寄詩淚灑行間
讀終篇目自枉詩已十餘年莫記存沒又六七年
矣老病懷舊生意可知今海內忘形故人獨漢中

王樊作郡王瑀與昭州敬使君超先在愛而不見情見

乎辭大曆五年正月二十一日却追酬高公此作
因寄王及敬弟

自蒙一作蜀州人日作不意清詞久零落今晨散帙

眼忽開一作明一作送淚幽吟事如昨嗚呼壯士多慷慨合

沓高名動寥廓歎我悽悽求友篇感時鬱鬱匡君畧

錦里春光空爛熳瑤墀侍臣已冥冥瀟湘水國傷黿

鼉鄂杜秋天失鵬鴉東西南北更誰一作堪一作論白首扁

舟病獨存遙一作猶一作拱北辰纏寇盜欲傾東海洗乾坤

邊塞西蕃最充斥衣冠南渡多崩奔鼓瑟至今悲帝

子曳裾何處覓王門文章曹植波瀾闊服食劉安德

業尊長笛誰能一作隣一作家亂愁思昭州詞翰與招魂

贈杜二拾遺

高適

傳道招提客詩書自討論佛香時入院僧飯屢過門

崇慶州志

卷之十

藝文詩

三

聽法還應難尋經剩欲翻草元今已畢此後復何言

人日寄杜二拾遺

人日題詩寄草堂遙憐故人思故鄉柳條弄色不忍

見梅花滿枝空樊作斷腸身在南一作遠一作蕃無所預心

懷百憂復千慮今年人日空相憶明年人日一作知

何處一臥東山二一作三一作十春豈知書劍老與一作風塵

龍鍾還遠一作忝二千石媿爾東西南北人

題鄭處士隱居

唐求

不信最清曠及來愁已空數點石泉雨一溪霜葉風

業在有山處道成無事中酌盡一樽酒病夫顏亦紅

送友人歸邛州

鶴鳴山下去滿篋荷瑤琨放馬荒田草看碑古寺門
漸寒沙上雨一作鷺欲暝一作暖水邊村莫忘分襟處梅
花撲酒尊

發邛州寄友人

茫茫驅一馬自歎又何之出郭見山處待船逢雨時
曉雞鳴野店寒葉墜秋枝寂寞前程去閑吟欲共誰
題楊山人隱居
深山道者家門戶帶煙霞綠綴沿巖草紅飄落水花
半庭栽小樹一徑掃平沙往往溪邊坐持竿到日斜
發曉

旅館候天曙整車趨遠程幾處曉鐘斷半橋殘月明

崇慶州志 卷之十 藝文詩 四

沙上鳥猶睡渡頭人已行去去古時道馬嘶兩三聲

古寺

路傍古時寺寥落藏金容破塔有寒草壞樓無曉鐘
亂紙失經偈斷碑分篆蹤日暮光月吐繞門千樹松
贈行如上人

不知名利苦念佛老岷峨衲補雲千片香燒印一窠
巒山人事少憐客道心多日日齋鐘後高懸瀘水羅
和舒上人山居卽事

敗葉填溪路殘陽過野亭仍彈一滴水更讀兩張經
暝鳥烟中見寒鐘竹裏聽不多山下去人世盡羶腥
舟行夜泊夔州

維舟鏡面中迴對白鹽峯夜靜沙堤月天寒水寺鐘
故園何日到舊友幾時逢欲作還家夢青山已萬重
山東蘭若遇靜公夜歸

松門一徑微苔滑往來稀半夜聞鐘後渾身帶雪歸
問寒僧接杖辨語犬銜衣又是安禪去呼童閉竹扉
邊將

三千護塞兒獨自滯邊陲老向二毛見秋從一葉知
地寒鄉思苦天暮角聲悲却被交親笑封侯未有期
秋寄缺江舒公缺一字

故人何處望秋色滿江瀆入水溪蟲亂過橋山路分
鶴歸松上月僧入竹閒雲莫惜中宵磬從教夢裏聞

崇慶州志

卷之十

藝文詩

五

塗次偶作

歲月客中銷崎嶇力自招問人尋野寺牽馬渡危橋
爲雨疑天晚因山覺路遙前程何處是一望又迢迢
送友人江行之廬山肄業

蜀國初開棹廬峯擬拾螢獸皮裁褥霞蓮葉製衣馨
楚水秋來碧巫山雨後青莫教銜鳳詔三度到中庭
贈道者

披霞戴鹿胎歲月不能催飯把琪花煮衣將藕葉裁
鶴從歸日養松是小時栽往往樵人見溪邊洗藥來
邛州水亭夜讌送顧非熊之官

寂寞窮城夜寒塘對庾樓蜀關蟬已噪秦樹葉應秋

道路連天遠笙歌到曉愁不堪分袂後殘月正如鉤
友人見訪不值因記

門戶寒江近籬牆野樹深晚風搖竹影斜日轉山陰
砌覺披秋草牀驚倒古琴更聞鄰舍說一隻鶴來尋
山居偶作

趨名逐利身終日走風塵還到水邊宅却爲山下人
僧教開竹戶客許戴紗巾且喜琴書在蘇生未厭貧
題友人寓居

寓居無不在天涯莫恨秦關道路賒繚繞城邊山是
蜀彎環門外水名巴黃頭卷席賓初散白鼻嘶風日
欲斜何處一聲金磬發古松南畔有僧家

崇慶州志

卷十

藝文詩

六

贈王山人

紅藤一拄腳常輕日日緣溪入谷行山下有家身未
老竈前無火藥初成經秋少見閑人說帶雨多聞野
鶴鳴知到蓬萊難再訪問何方法得長生

題青城山范賢觀

數里緣山不厭難爲尋真訣問黃冠苔鋪翠點仙橋
滑松織香梢古道寒晝傍綠畦薺嫩玉夜開紅竈撚
新丹鐘聲已斷泉聲在風動瑤花月滿壇

送僧講罷歸山

休將如意辯真空吹盡天花任曉風共看玉蟾三皎
潔獨懸金錫一玲瓏岩間松桂秋烟白江上樓臺晚

日紅依舊曹溪念經處野泉聲在草堂東

傷張玖秀才

銅梁劍閣幾區區十上探珠不見珠卞玉影沈沙草
閣驂騑聲斷隴城孤入關詞客秋懷友出戶孀妻曉
望夫吳水楚山千萬里旅魂歸到故鄉無

題李少府別業

尋得仙家不姓梅馬嘶人語出塵埃竹和庭上春烟
動花帶溪頭曉露開繞岸白雲終日在傍松黃鶴有
時來何年亦作園碁伴一到松間醉一回

贈楚公

曾聞半偈雪山中貝葉翻時理盡通般若恆添持戒

崇慶州志

卷十

藝文詩

七

力落义誰算念經功雲間曉月應難染海上虛舟自
信風長說滿庭花色好一枝紅是一枝空

庭竹

月籠翠葉秋承露風亞繁梢暝掃烟知道雪霜終不
變永留寒色在庭前

題常樂寺

桂冷香聞十里間殿臺渾不似人寰日斜回首江頭
望一片晴雲落後山

送劉鍊師歸山

風急雲輕鶴背寒洞天誰道却歸難千山萬水瀛洲
路何處烟飛是醮壇

巫山下作

細腰宮盡舊城推神女歸山更不來惟有楚江斜日
裏至今猶自繞陽臺

五代

贈蜀州刺史

杜光庭

再扶日月歸行殿却領山河鎮夢刀從此雄名壓寰
海八溟爭敢起波濤

宋

送孟都官知蜀州

歐陽修

名郎辭粉署佳郡出關西幾驛秦亭盡千山蜀鳥啼
朱輪照綠野尺芋覆秋畦向闕應東望雲深隴樹迷

宗慶州志

卷之十

藝文詩

八

送趙虞部士宏知蜀州

梅堯臣

春風跨臘至雪作蝴蝶飛偏知蜀太守撩亂撲行衣
何當海棠下歌管紅袖圍一飲一斗酒決訟如發機

洛陽花自好聽從杜鵑啼

海棠

并序

梅聖俞

道損司門前日過訪別且云計程二月到郡正看
海棠頗見太守風味因爲詩以送行

蜀州海棠勝兩川使君欲賞意已猛春露洗開千萬
株胭脂點素攢細梗朝看不足夜秉燭何暇更尋桃
與杏青泥劍棧將度時跨馬莫辭霜氣冷

初到蜀州寄成都諸友

依劍南集編次不分古近體

流落天涯鬢欲絲年來用短始能奇無材藉作長閒地有憑留爲劇飲資萬里不通京洛夢一春最負牡丹時劈牋報與諸公道罨畫亭邊第一詩

早起至江原

喔喔鳴雞促曉程翻翻飛鷺導孤征節旄盡落歸猶遠帶眼頻移瘦自驚小市蕭條黃葉滿斷橋零落綠苔生居人猶復多愁思何況天涯倦客情

自蜀州暫還成都奉簡諸公

不染元規一點塵行歌偶到錦江濱淋漓詩酒無虛日判斷鶯花又過春客路柳陰初墮絮還家梅子欲

崇慶州志

卷之十

藝文詩

九

生仁更須作意勤相過要信年光屬散人

莫春

忙裏偷閑慰晚途春來日日在東湖凭欄投飯看魚隊挾彈驚鴉護雀雛俗態似看花爛熳病身能鬪竹清癯一樽是處成幽賞風月隨人不用呼

四月五夜見螢火

蜀州官居富水竹四月螢火遶梁飛流年迫人不相貸客子倦遊何日歸

月下作

第二首

畏暑不巾襪步月搯短筇瘦身髮鬢髻顧影如孤松徑幽螢闔閉池漲魚噉喁飛泉穿北垣珠玉相撞春

東湖更奇絕百畝銀初鎔但能抱琴往絕恨欠鶴從
重露傾荷盤微風墮芙蓉歡言美清夜縹渺吹疎鐘
空中飛僊人粲然冰雪容笑我老塵世不記瑤臺逢
五月五日蜀州放解榜第一人楊鑑具慶下孤生
愴然有感

甲午五月之庚寅淵魚躍起三江津震雷霆雨夜達
晨我知決定非凡鱗人生富貴不逮親萬鍾五鼎空
酸辛少年得祿羞常珍調節滋味躬爨薪徹食奉盥
授帨巾此樂豈復論賤貧嗟我不孝負鬼神俯仰二
紀悲如新仕宦空飽息與嬪左右供養無復辰子行
射策對楓宸綵衣楚楚映華紳沂江亟歸娛老人切

崇慶州志

卷十

藝文詩

十

勿著意長安春

怡齋

東湖仲夏草樹荒屋古無人亭午涼萱房微呀不見
日筍籜自解時吹香野藤蟠屈入窗罅溼菌扶疎生
屋梁跨溝數椽最幽翳漲水及檻雨敗牆靜涵青蘋
舞藻荇閑立白鷺浮鴛鴦芙蓉雖瘦亦瀾漫照眼翠
蓋遮紅粧水紋珍簟欲卷却團團素扇嬾復將天風
忽送埵鈴語喚覺清夢遊瀟湘

蜀州大閱

曉束戎衣一悵然五年奔走遍窮邊平生亭障休兵
日慘澹風雲閱武天戍隴舊遊真一夢渡遼奇事付

他年劉琨晚抱聞雞恨安得英雄共著鞭

自唐安之成都

出門猶苦雨度塹喜新晴日正車無影風高益有聲
疎疎稚苗立鬱鬱晚桑生宿醉行猶倦無人爲解酲

度笮

原注江
原作

翩翩翻翻笮受風行人疾走緣虛空回觀目眩浪花
上小跌身裏蛟涎中汗沾兩握色如菜數棄此險私
自怪九折元非叱馭行千金空犯垂堂戒此身老大
足悲傷歲歲天涯憶故鄉安得畫船明月夜滿川歌
吹入盤閨

自江源過雙流不宿徑行之成都

崇慶州志

卷十

藝文詩

十一

斷笮飄飄挂渡頭臨江立馬喚漁舟少城已破繁華
夢老境聊尋汗漫遊斜日驛門雙堠立早霜楓葉一
林秋詩材滿路無人取準擬歸驂到處留

宿江源縣東十里張氏亭子未明而起

寸廩驅人卒歲勞一官坐失布衣高劍南十月霜猶
薄江上五更雞亂號孤枕擁衾尋短夢青燈照影著
征袍客愁相續無時斷那得并州快剪刀

夜雨懷唐安

歸心日夜逆江流官柳三千憶蜀州小閣簾櫳頻夢
蝶平湖煙水已盟鷗螢依濕草同爲旅雨滴空階別
是愁堪笑邦人不解事區區猶藉陸君留

蜀人舊語
謂唐安有

三千官柳四十琵琶濕
螢依草沒梅宛陵詩

憶唐安

南鄭戍還初過蜀朝衫與鬢猶爭綠逢春飲酒似長
鯨醉裏千篇風雨速唐安池館夜宴頻瀲灩玉船搖
畫燭紅索琵琶金縷花百六十絃彈法曲曲終却看
舞霓裳嫋嫋宮腰細如束明朝解醒不用酒起尋百
畝東湖竹歸吳寂莫時自笑縱有詩情誰省錄今年
二頃似可謀去斲雲根結茅屋

明

送崇慶白判官

楊慎

宦蹟標南郡賢勞賦北山分攜千里外留滯一年間

崇慶州志

卷之十

藝文詩

十三

梅閣春全隔花宮月幾彎水聲隨露冕塵霧損風顏
別路遙岑合離亭二水環永言君子贈懷惠野人攀
共道鶯遷近來瞻馬首還

癸亥秋題定惠寺

知州辛鑑

崔嵬香阜閣龍頭恰占唐安最上游白塔風高一鈴
語青城木落萬山秋諸天合與紅塵隔鎮日何妨絳
節留笑乏雲箋書素壁夕陽回照墨光浮

甲子莫春偕辛刺史陳李二學博張鴻臚遊定惠

寺作

雲南按察副使陳高州人

一腳跟無定逐春嬉聯轡江鄉任所之信馬頓忘村遠
近扶鳩不覺路欹危花如笑我應開口柳似迎人欲

展眉水色山光齊拾取奚童背負一囊詩

好風送我出春城試望郊原緩欵行流水昨宵添戊
雨遠山今日繪庚晴遊來舊澤魚真樂宿到高枝鳥
不驚貪向東林訪名勝宦情都變作閒情

寺名定惠意云何法雨慈雲蔭庇多水抱梵宮澄碧
鑑山盤佛刹擁青螺六時玉漏閑如許百丈金身識
也麼我亦芻參清淨訣前生應是石頭陀

隔林遙聽晚烟鐘知在雲深第幾重岸到角巾穿竹
徑踏來齒屐認苔蹤三鱸並坐三生石五馬齊登五
老峯閒與鴻臚發長嘯虎溪今日又相逢

禪房深鎖小溪頭九十春供汗漫遊上下天光窺月

崇慶州志

卷之十

藝文詩

三

淨密疎樹影抱雲稠何來此地金剛鎮幸有諸君玉

帶留圖畫不煩徐氏筆遠山半角翠嵐浮

遊定惠寺呈辛刺史

州人李昱

好趁秋風覓紫芝光嚴山畔夕陽時杯邀學士如相
待帽落參軍不自持盍往觀乎偕鶴伴就其深矣浴
龍池琴聲聽罷心都淨半爲參禪半說詩

前題

昱弟李昶

壘聲吹徹古山邱偶到招提自在遊一笑相迎溪是
虎三生欲証石爲虬枝枝響落梧驚曉點點香飄桂
報秋退食公餘無個事可留玉帶鎖龍頭

國朝

留別蜀州父老二首

州知林良銓

蜀州從古號涪鄉調鶴鳴琴清獻堂三載到來無異
政十年前已在鄰疆庚戌子宰大邑知余化導原皆實記我
叮嚀莫便忘漫說瀘戎新刺史陽關毋唱第三章
自泣唐安志不殊此身日在雪山隅一杯水飲高常
侍兩袖風生趙大夫岷嶺晴時同跡否味江秋後似
心無吾民總屬知余者不必攀轅送酒脯

寄崇慶林睡廬州守

新繁令鄭方城

階下蛩聲半暗燈小亭夜色倚枯藤邇來占得周文
易恰是西南快得朋

蜀州東亭早梅和韻

成都貢生李光緒

崇慶州志

卷之十

藝文詩

古

蜀箋五色爛春雲佳句名花兩著聞况復西清來勝
客恰開東閣倚芳曛寒香欲沁能知我清味堪調却
待君從此丰標駕裴杜敢憑風月一區分
索笑巡檐上綺亭嫩寒天氣拂湘屏癯仙玉笛標新
引舞女春風瀉綠醺橫掃青松虬怒甲斜欹翠篠鴿
翻翎蜀州還似揚州好心跡雙清自古馨

看到梅花再請州依然琴鶴擅名流尋香靜擬陪荀
令泛酒清於揖顧侯九鼎和羹鳩杖倚刺史書巢迎養百花
魁首雁行收公兄鐵臣同榜發解驚時早樹多春色好倩徐熙

筆細鉤

芳菲喧我俗難捐獨藉雲階結好緣繞樹翠禽喉乍

轉眠花清鶴足高拳雪融孤嶺春瀟灑香嫋橫塘月
靜娟頓使官梅長聲價鷺溪新絹日爭傳

題何愚廬斯邁草詩集

知州胡德琳

西蜀得佳士風流水部何梅華倚高閣晴雪下三峩
名豈掄元重詩從出峽多東山一相見吾道慰蹉跎

題何愚廬調鼎圖

蜀州五月東亭住一樹依依是早梅曾見名華開郡

閣豈知佳士失澹臺

余在蜀州君適他往

春風乍向圖中識

高太

史先出此圖相示

野鶴遙從天外來

君今春枉駕見過

標格還如何

遜在詩瓢箬笠漫驚猜

丹經一卷注陰符寶鼎因知吾愛吾白雪黃芽凝玉

崇慶州志

卷之十

藝文詩

十五

液赤芒紫粒煉洪鑪琴心三疊傳消息

君素善陽關三疊劍

氣千尋挾彼姝顛倒試參離坎妙儒家原是列僊臞

寄蜀州何愚廬

福建鄭天錦

萬里江原道秋風捷錄傳開緘真快絕壓卷獨巍然

拾第尋常事遲君二十年同心更同病晚遇倍相憐

昔者身孤露栖栖錦水旁遺經悲石室貞疾慰萱堂

顧影衰麻共惟君性命將

先君為石室山長見背後老母負病成都君常走數

百里相視依稀如昨日痛定可能忘

憶昨同編纂曾將史學論

君曾佐余修成都府志

雅才續檇杙

長轡騁麒麟此去承明直旋看筆削新飛騰何足異

遷固望傳薪

來歲春風軟長安連袂遊主人稱北道解舍借西頭
袖各詩箋出杯還酒市浮十年無此樂宿負一相酬

讀何愚廬浣花草堂志

羅江李化楠

圖書萬卷遠隨身秋水為神不受塵暫借梧枝棲
翮羽終傾鮫室瀉奇珍亭邊載酒才名舊海上論文
氣象新愧殺草堂余未到憑君看取百花春

送別蜀州何愚廬

羅江李調元

與君貰酒話蹉跎把手旗亭共醉歌天下已嗟知己
少人間只見別離多江帆細雨過滄海水驛斜風泊
運河霜鬢老親如會面問今白髮更如何

家君作宦滄州道所

必經

崇慶州志

卷之十

藝文詩

十六

江口

舉人何明禮

滙得故園水其如雙鯉沈乾坤江面濶歲月艣頭深
沙鳥閑清渚梅花淡碧潯名根慚未盡夜夜沸鄉心
入峽

夔門穿一線怪石插流橫峯與天關接舟從地窟行
亂猿昏月色殘葉冷江聲神女知何處時時雲雨生
寄懷同年李雨村

別來詩興近何如不得羹堂一紙書內翰先聲曾小

試

余出京時雨村擬考中書

年翁舊職可新除明燈細雨翻前韻

皎月清風冷故廬嗟我離羣千里外夢中猶怪汝遷

居

京寓去雨村咫尺朝夕過從後雨村移寓而余亦來濟南夢中猶噴其遠也覺而黯然而誌之

讀仲松嵐明府蜀征日記爲作長歌

捫井絡上青天古來名臣國士半入川文翁高眖闢
石室千秋學舍此其先袴襦叔度愁來暮叱馭王尊
欣着鞭濂洛風行開道脈篋叟醬叟發眞筌琴鶴冰
心照江水懷柔遠畧峙籌邊勳名爛漫重青史更有
鴻章佳詠付鸞牋集記古今昭風土方物益部揚芳
鮮他如石湖入蜀前後皆有記放翁遊記復連篇漁
洋當代推宗工驛程兩度手爲編竊恠造物區區誠
何意故遣高人奇士登山涉水勞胼胝嗚呼噫嘻吾
知之天私我蜀豈云偏借蜀山水抒靈蘊雅調好翻
蜀國弦清名惠政作符節長江峻嶺亦良緣松嵐明

崇慶州志

卷之十

藝文詩

七

府今才子高文典冊媿前賢大江南北齊頰首瑤林
杏苑難比肩競看威鳳翔瀛島倏覩雙鳧振翩翩四
月離燕薊五月度秦阡懷人弔古飛逸興奚囊麗句
壓錦鞵中原片楮收拾盡東都西京嘲磨研鳥道羊
腸經絕壑虬龍虎豹躡層巔北棧南棧中間相距一
千四百有餘里沐雨櫛風帶雲穿朝攀天梯暮摘星
躔蛇虬擁道蛟螭騰淵寒花草藉老樹藤纏山城鬼
嘯野市虎眠時起時伏乍却乍前柴關槎枒劍關削
雞頭倒挂牛頭懸僕隸喘汗頻欹歔驢騾仆蹶苦迤
邐起視明府何所事豪吟正自握丹鉛邑乘輿誌誰
能究一一都從胸中筆底吐雲烟峻如峭壁奇峯當

面起婉如平岡湯坡相曼延快如金鞍駿馬馳平坂
清如飛瀑寒流激石淨涓涓竹韻松濤鳴天籟荒林
午夜聽啼鵲蘇海韓潮入林同把臂瘦島寒郊那爭
妍陂盡平來額在梓潼撫琴縱轡過沃野塵襟灑灑骨僊
仙浣花江頭裁新錦半雲亭下問桑田五斗雖貧入
斗富漁獵百代歸陶甄訟庭花落固草長泮林飛躍
皆魚鳶嗟余淺陋僻井底文淵學海謬尋沿幾載杖
策入京里三春花飛零華顛齊韓楚趙曾遊遍馬煩
車殆旅魂牽亦自客夏發濟水險阻踰越道里千東
岳西嶽猶在目名區勝概景儼然却恨榛莽橫胸臆
橐筆何能志夷堅捧讀日征記還疑重往還官柳依

崇慶州志

卷七

藝文詩

六

依草芊芊華峯又放玉井蓮其如日近長安遠坐老
名山空自憐他日青雲驥許附雖爲執鞭欣慕焉

留別蜀州三首

知州徐念高

唐安又報是行時駐舄經年仔細思十月石魚清澈
底此心惟有碧江知

蒲鞭敲朴不教苛官法憐人網易羅水懦亦知民狎
玩用刑輕處苦心多

東閣離筵酒數杯鳴騶門外僕頻催殷勤囑向紅梅
別一院香留去後開

夜酌

拔貢門裔

莫道愁能遣其如夜漸長空明孤寺月淒緊短簷霜

好夢尋知己離魂入故鄉醉翁有深意休錯認高陽
還蜀留別宿松諸生

九重恩詔許還鄉翻倒歡心欲斷腸蜀水東來浮海柱
吳船西去遡瞿唐頻年遠悵魚書隔此日深愁鳥道
長回首莫雲滋別淚未聞猿嘯已霑裳

題畢彥升畫竹

工部祠前竹萬竿浣花溪上午風寒誰知去國三千
里霜節從君指上看

旅館娟娟對此君風梢露葉欲干雲孤鴻唳破還家
夢剩有簫聲子夜聞

與鄭紅泉談杜詩

崇慶州志

卷之十

藝文詩

十九

學杜甫者盈塵寰何人能窺豹一斑得皮得骨不得
髓東坡而後誰究宣紅泉先生起秀水盛唐文章貯
腹裏開編示我杜詩鈔提要鉤元觀止矣歸來謝客
掩僧房楮拙煨爐燒酒香一句一盃一撫掌拍案叫
絕如顛狂酒闌興盡斜陽暮門外人來叩其故欲語
翻忘所以然欹枕忽尋草堂路老僧起打清晨鐘夢
回還憶少陵翁呵筆題詩相問訊昨宵詩律將毋同

村居卽景

貢吳家駒

古柏森森翠竹斜此中人最癖烟霞不貪仙佛心如
水除讀詩書性愛花村店月明眠守犬隣僧鐘動叫
寒鴉客來笑指東籬菊錯認柴桑處士家

城居卽景

城市山林趣總長此心安處卽吾鄉幾間茅屋連官舍一徑苔痕入講堂邀月有窗皆照讀開門無日不逢場白頭吟望鬢宮樹萬點慈鴉噪夕陽

學宮松柏先君手植

東閣紅梅和韻

庠生郭維城

早爲東皇報信來一枝爛漫透春開簷前好聽紅兒曲閣下應煩絳女裁赤足踏來成傲骨丹砂覓遍是仙才杜陵去後無知己醞醉千秋臥碧苔

咏六頂山

庠生羅世琬

岷山幾瓣雪難消現出圓光透碧寥天自可摩驅霧散地緣特絕帶雲飄五峯似指餘駢拇七曲如絃欠

崇慶州志

卷之十

藝文詩

二十

掛么想爲南朝興六祖齊來脫帽露丰標

西湖觀魚

吏目仇允誠

百畝銀鎔漾碧波閒觀魚戲樂如何恰當冰泮頻依藻正趁風輕細擲梭啖影尙嫌花塢少驚鉤偏集柳塘多臨淵暢領天然趣不獨莊周與志和

東閣贈梅

春風一夜徹寒梅有客初從隴上來珍重不須煩驛使殷勤還爲贈花魁香迷姑射魂應斷夢到羅浮首幾回寄語高君三十五雪中今又數枝開

大坪探茗

品在盧仝陸羽間未逢穀雨便登山崎嶇緩策鳩頭

杖消息頻探雀舌斑此後傾筐憑少婦從前煮雪記
雙鬟生平自笑耽茶癖霽日和風數往還

小齋栽蘭

空谷居然有異芳移根種向小齋傍輕風徐拂渾無
恙小雨微沾也不妨一枕夜迷燕姑夢半闌晴送謝
庭香可堪院落溶溶月多少幽懷寄楚湘

和謝青荇刺史謝贈函海詩元韻

羅江李鼎元

兩膝以外無一貨天下關山親踏破隨身攜有數卷
書到處人呼窮措大今年新拜百城侯萬卷壓濤濤
欲秋江神妬我舟富有大浪掀空學大酉舟如孤鷄
穿重雲雲作連山山作墳幸免長恩葬魚腹纔憐武

崇慶州志

卷之十

藝文詩

三

庫有將軍將軍何必定王武家有鄴侯舊開府搜羅
百代付雕鐫成就千秋壽今古安石起自東山東鄉
媛福地築新宮風翻萬葉牙籤白月照一窗鉛槧紅
函海合教藏此地有如書貯孔壁中使君豈徒誇腹
笥窮經深見古人意醞釀糟粕出事功能令催科皆
撫字商賈自客農自居都傳合浦有還珠人歸明鏡
釋妍醜佛言灌頂須醍醐中秋昨夜潭州城滿城絲
管歌且行月與市人爭閒靜人隨明月問虛盈信是
子游能學道仙吏坐衙卽仙島政餘知有讀書詩恨
不依劉共研討

東閣官梅十詠

崇慶州 金朝覲 松臣

一度春風一度開安排東閣號官梅山中高士知多
少卧雪眠雲望不來

竹樹陰陰翳四郊新晴剛見遠山均東皇消息官衙
早幾點新紅出碧梢

嶺上新枝好護持春風隔歲漏花期恨他開在黃花
後只爲爭先轉覺遲

清絕梅花不厭貧因何呼作在官身當時競盛開東
閣負却深山富貴春

繁華滿樹着春容老幹又了欲化龍莫道落花情意
索攤書猶藉綠陰濃

楊花飄泊李花香事隔隋唐已杳茫留得梅花東閣

崇慶州志

卷之十

藝文詩

三

在清芬猶近浣花堂

花封繡錯此分符閣外春深喚鷓鴣只恐梅花來問
我庭前可有落花無

花間小集綠初團風致嫣然春未闌座客莫談天寶
事美人零落易心酸

沈沈官鼓放朝衙催報新枝第幾花可是公堂高萬
里不曾春色到鄰家

風流韻事說揚州如此梅花幾世修想見少陵題詠
處草堂東閣各千秋

恭祝

皇上五旬萬壽謹序

謝攀雲

書四卷并

洪惟我

皇上紹統承乾循璣履泰化涵位育道契清甯肇丕績於
遼陽克昌厥後鞏神基於易水長發其祥癸巳告
天感格在尺五雲霄之表丙辰禪位臚歡遍大千
世界之間錫福而手付鴻圖建中建極升香而親
貽大寶丕顯丕承侍蹕捧觴體歡心而敷幾整度
對時育物遵懿訓而精義入神灑宸翰於標極
之南鸞翔虎躍誦奎章於味餘之室霞蔚雲蒸
鑾輅而恭謁門牆則先後聖一揆精禋而誠通冥
漠斯上下則咸登沛澤宗盟匯銀潢亦同分科第
留心學校張鍤網而益謹關防更新而赦下金雞

崇慶州志

卷之十

藝文

三三

慈周赤縣放賑而偏甦涸鮒慶溢蒼生豁禹甸之
積逋打門無吏重堯天之耆耆賜爵有加飛芝蓋
而所過銜恩人皆挾纊望重門而飛章入告士盡
鱗庀材鳩永定之工虹圍式固出帑修文安之
淀蟻灌毋驚玉檄東馳瀚海之鯨氛永淨金戈南
下蠻天之犵獰齊銷蓋至治風行軼唐虞夏商而
上而直聰天縱愜義文周孔之精者矣茲屆屠維
之歲適逢大衍之期徵祥而五紀延洪翹首而五
方歸化入宮而敬用五事敷政而凝績五辰盈廷
則五瑞班朝釋奠則五更獻祝寰瀛則五風叶律
玉宇則五緯聚奎信咸五以稱隆誠斂五而綏祉

千官劍佩歌康衢順作之謠萬國衣冠上海甸承
平之頌龍銜寶蓋麗升恆日月而長新鳳吐流蘇
綿億秭春秋於勿替際一麾出守之候路隔鯨湖
值萬方來賀之辰心依嶼陞鳧趨未遂蟻慕維寅
敬製五言百韻排律一首聊抒禱頌之私用效賡
歌之願謹稽首拜手而颺言其詞曰

雲日軒齡迴河山舜籙光重熙休運炳奕葉聖人昌
建極維元后時中卽素王芸芸思就日穆穆正垂裳
玉笈璿文赤晶簾寶篆蒼鷄班齊鶴立虎旅競鷹揚
雀獻昭華瑄仙擎委宛囊三階調玉燭萬國拱金湯
抑抑隨安室乾乾繼德堂珍函探夏簡祕籍檢春坊

崇慶州志

卷之十

藝文

十四

灑翰波三折披圖目十行斡旋杓運掌創制穎懸芒
舊牒標東觀新篇陋柏梁冲襟春浩蕩雒誦韻鏗鏘
聖藻過秦漢

英鋒邁晉唐傳心皆

列聖訓政本

先皇憶昔旃蒙歲承

恩毓慶房

文思欽禪位澣濯靜升香篤祐貽謨烈純誠籲混茫彤
墀花掩映朶殿氣芬芳視養

重華側臚歡繡幄旁顛天交舞蹈稷契載賡颺法座神逾

漠珠邱感未忘肫肫懷啟迪宛宛見羹牆燕翼異祈

宏獎鴻猷式顯敷徽稱聲赫濯玉額碧琳瑯敬念
丕基遠恭維

祖德長音容臨咫尺祓濯自巖廊漏下親齊宿辰興事裸
將豆邊儀秩秩對越步踟躕

睿慮忻昭假元功叶雨暘時當春燕剪寒飾土牛裝夾巷
羅細杏平隄繞綠楊三推親秉耒萬寶慶登場夔夔
繁蔥薤蓬蓬足稻梁何期瘵在抱所過視如傷幾處
丁男稅頻年甲戶糧以前容少缺今後不須償

帝日文宣聖師尊闕里鄉泰筮占吉日釋菜薦騂剛饗配
先賢集宵燒絳蠟煌雞彝遺制煥鼉鼓厥聲喤太祝
司隋釁籩人獻菲苜休哉瞻美富渺矣奏宮商牖下

崇慶州志

卷之十

藝文

二十五

羞蘋藻公宮灌醴醑家知趨禮樂戶喜肄膠庠獨訝
穿墉鼠偏來舉臂螳嘉禾甯有莠野潦或生蝗化國
昭神武遊魂豈倔强弁兵俱虎視名馬是龍驤晚箒
弓開月秋林劍拂霜全軍橫袴褶迅日掃欃槍愷澤
霑重譯餘威輯巨洋鯨鯢歸束約魍魎盡銷煬鹿港
千艘集澎湖一葦杭天妃知效順颶母不飛殃自此
陳干羽無勞試斧戕褒封馳渤澥寵錫到炎方望望
激波黑些些滾浪黃賈颿辰起柁漁浦夜鳴榔遇口
時添埽沿津并樹防杙搖艦匝匝沙擺石雷礮萬里
虹腰跨千尋雉堞塘灣環盤作帶漭沈瀦爲塘畚築
胥忻怵頑孱互躋踰從茲名永定那復用劬勩霧斂

鳶肩聳烟分雁翼張幕庭空老上鹵帳徒氏羌頭曼
躬除草屠耆自執纒蠻奴驅舞象貢使絳珠璫夾鬢
髯三縉攔腰錦七襄賓庭看各部賚幣出西藏粵嶠
杼丹悃苗夷學靚妝何如擒頡利底用縛姚萇筆策
城誰問蚍蜉塞已荒極邊均版籍蓋地盡亭障
上乃頒恩詔人如挹醴漿寬刑從狴犴錫類及羔羊爵
起甘陳廢坊旌魯衛孀桓榮霑粟帛枚馬得縑緗歌
凱噉京觀朝宗遍海航矜憐兼朽骨褒錄重忠良俊
又重歌鹿官陘敢臥狼雲觀紉縵縵路喜德汪汪矧
值呼嵩祝於時恰圍陽迎禧符大衍握算正中央翼
翼臣共位峩峩士奉璋開筵行素脯稽首奉金觴

崇慶州志

卷之十

藝文詩

三六

皇帝彌謙儉羣工倍悚惶

御門聽不倦光祿膳如常遠邇毋修貢公侯免越疆私
衷逾繾綣錯履益徬徨下士來巴蜀非才類秕糠出
身叨一第爲宰牧三湘謬荷剡章薦曾邀玉尺量蠡
臣遙戀闕鵝管憶鳴簧翹望元穹遠難隨青鳥翔洞
庭瑤瑟鼓衡嶽翠屏彰酒勸東王笋桃呈西母筐八
荒騰瑞靄矯首慶

天閭

少陵草堂

天不憐詩史飄離赴雪岷宅留三蜀地筆掃六朝人
苦憶貞元運空悲稷契身祠堂一瞻拜歎息浣花春

房縣道中呈仇敏齋 必達 明府

金城白馬控庸關三十五溪卅四山客路高隨飛鳥
上人家半住嘯猿間地傳黃尹名賢寓盜是原吳御
史刪為憶公庭鸞鳳宰彈琴放鶴簿書閒

之官湘南 三首

鴛行逐隊慶彈冠

盛世恩波海樣寬科第媿非唐進士頭銜合署漢郎官

文章報國談何易撫字勤民事更難我與諸公交勛

勉羣黎須當子孫看 同官楚者三十二人

其二

瀟湘名勝舊知聞南國天低盡水雲弔古何須悲屈

崇慶州志 藝文詩 卷之十 三

賈探奇况可讀邱墳洞庭波暖鱗魚美衡嶽秋高橘

柚芬好奉板輿進甘旨擬將迎養乞

仁君

其三

果爾王臣壯楚遊妻孥端不累朋儔一家泛宅琴兼

鶴百里歸農劍買牛但使名標循吏傳差堪願副讀

書樓鄒枚詞賦龔黃績得補蒼生孰較優

巡農雜詠 激浦

自製輕裝着小冠省耕聊復識民艱雜花厯亂紅稠

屋野水平鋪綠到山詩骨每從行路健官身轉愛出

城閒農歌鳥語聽來好忘却安仁兩鬢斑

其二

十里花橋萬頃田
秧針剛插麥秋天
雨鳩聲歇分籐笠
時各給笠扇桐馬行看過柳
阡白足掃雲堆竹塢
青衿剪韭淡廚烟
民謠好試江郎筆
畫出幽風第一篇

其三

夕陽林外斷烟橫
立馬珠宮倦息征
古屋燈移官閣夢
野塘蛙報柳衙更
溪山公案隨時了
邨落淳風取次評
回首百花潭上宅
遨頭春暖水雲清

其四

時若居然感化工
耕山人倚綠雲中
千邨潤洽黃梅雨
四月香留白棟風
不管前途泥滑滑
欣看平野黍

崇慶州志

卷之十

藝文詩

三

芄芄吏胥休惱
搦衣溼遮莫隨車
兆屢豐

其五

雲氣昏濛雨腳斜
松杉嶺上躡籐花
勞余鳥道飛鳧鳥
替爾螻生割鼠牙
案到積塵婪似繭
事當迎刃剖如瓜
嗤他歸去陶潛懶
五柳門前寄一家

其六

行入排由過小江
青山疊疊水淙淙
人家樓好圍楊柳
客路溪多涉蘚疋
跨犢牧童雲外笛
攔輿馱舌楚邊腔
有爭山者何如鷗鷺忘機者
白石清泉立一雙

其七

雲影天光曳蔚藍
橋江風景似江南
藤梢棘刺春須

刻市多豪暴近稍斂迹

杏蕾筠香美暗含三十家齊鳴夜柝余設

三十家牌守夜東西鄰共住烟嵐獨憐小劫成灰土祝火無

功祇自慚居民不戒於火延燒甚多

其八

肩輿屈曲陟巖阿幾度支頤喚奈何汲黯病難稱臥
治陽城考豈冀高科眼前風物歸斑管鄉裏生涯愛
綠簑回檢行裝問庭鶴笑余詩比簿書多

擢授澧州感

恩述懷恭紀 二首

忽聽長沙薦賈生

九重優詔賁湘潯三遷職是親民吏十載貧無乞郡心天

崇慶州志

卷之十

藝文詩

三五

上除書新

御墨篋中治譜舊官箴頭銜換去冰操在欲報

恩波海樣深

其二

湘湄駐鳥始經秋又指涪陽控遠騶官職漸同今太
守江山密邇古荊州一船頑石龔黃橐百雉雄城楚
蜀喉慚媿書生居重鎮好從宦海逐清流

李墨莊太史自蜀入都過楚以函海一書見貽作

歌奉贈兼以送行

平生愛書如奇貨恨不萬卷都讀破世間偏多未見
書井蛙那識乾坤大墨莊太史今鄴侯閉戶著書獨

千秋出峽輕裝何所有牙籤萬軸羅二酉墨濤飛漲
洞庭雲氣吞夢澤凌邱墳開函驚見孫書庫標題細
認李將軍太史令兄雨村先生官翰林人呼小李將軍將軍好文不好武

娵嬛福地窺學府搜羅四千年文字付以麻沙傳萬

古我初披覽斗室東寶光變幻蛟龍宮有如君昔觀

海琉球國波翻浪湧扶桑紅太史曾奉命渡海冊封琉球國王眼底

一空寰瀛界心花怒發瑤編中君家伯仲五經笥不

傳定知非天意嗟余俗吏溷風塵空學蠹魚飽食字

研摩卽費千居諸垂老苦無記事珠竟欲留君下帷

讀縱談窳奧傾醍醐可奈驪駒唱楚城留君不住送

君行君行策馬長安道巢痕依舊尋蓬島但願一麾

崇慶州志

卷之十

藝文詩

出守沅湘濱重展斯編共探討

品格高華氣勢排昇太史書先生詩俱堪千古
南
城吳寅拜讀

受篆甯鄉

鳧飛初到古新康得握銅章默忖量訟牘繁時諸吏

黠驛樓多處一官忙入門新婦嫌生手臨陣將軍有

熱腸只好從容勤補拙種花取次遍河陽

胥吏歎

凌晨集衙參分班列左右鶉衣百道結鳩行三五耦

相彼卑凡斯胡乃露窮醜胥吏前致詞小人情可剖

昔岸尖檐帽當關操勝負朝握一紙符夕指邨落走

東家膏脂肥西屋蓋藏厚
搥榻延上座堆筵具羊酒
怒目一生嗔贏金入吾手
美錦衣妻孥鮮甘供朋友
身雖充一隸富如耕百畝
仰視縣堂高甘心作走狗
前年使君來公明傳萬口
吾儕肅冰霜惴惴懼獲咎
昔可飽窮窟今苦拘法守
日視囊底錢十已空八九
生計無所資面目漸黎黝
顧茲日如年何以延殘朽
我聞胥吏言慚愧爲民母
庶人使在官若輩亦黔首
周禮祿代耕古制淪亡久
公貲頒幾何耗盡仍露肘
思量廣周恤清俸限五斗
民肥胥吏瘦此語誠然有
長吁發慨歎清風吹戶牖

自題浣花草堂志後

崇慶州志

卷之十

藝文詩

三

詩聖風騷獨主盟祇因牢落誤
眞評嚴公豈漫題鸚鵡
太白何曾賦瘦生宅向梵安
分舊址榜顏書院失前名
我摹碑碣遺蹤在想見
誅茅背郭成

其二

少小停鞭數問津傾城如蟻慶
芳辰柳迎浦口吹簫
舫花作遨頭勸酒人舊寺何年
封冀國柴荆此日拜
孤臣草堂風景從前事好注吟
編證夙因

其三

十年別館夢蘧蘧彷彿憑欄水
一渠尚憶馬軍供乳
酒空餘烏鬼狎潭魚畫留溪上
思王宰蝶過花邊訪
校書廣廈萬間公有賦信將天
地作蓬廬

其四

訂舛南窗手校讐百家箋注費搜求唐書舊草資劉
胸筆記新編補陸游他日櫻桃花匝匝至今鷓鴣語
鉤輞滄浪詩板歸吟帙留得才人續唱酬

江臯草堂落成寄甘慎五

徽典

背郭蝸居結數椽短籬深護薜蘿煙白來岷嶺千尋
雪碧瀉文江一鏡天釣艇趁風流過屋楊花堆徑坐
如氈憑君乞取丹青筆移我園林入輞川

和朱遐唐煥江源道中韻遐唐江陵人

襟度無慙晉永和郢中詩興蜀中多三千疎柳開官
道二九寒天渡皂河敬則人爭傳史筆澹園我共醉

崇慶州志

卷之十

藝文詩

三

仙螺

澹園朱氏園也在崇慶州三江口

東亭梅信歸吟管多似風流

水部何

寄慎五

飄泊真同出岫雲故園春好惜離羣蓬窗短劍長隨
客蕭寺孤檠獨憶君折柳江干情款款釀花天氣雨
紛紛幾時得買鄆筒酒共醉西湖話夕曛

秋日江臯草堂小飲卽席分韻

兒童驚剝啄徑掃一塵無風雨延嘉客江邨問腐儒
交情盟素菊詩骨老秋梧今日文星聚烹菘佐玉壺

方 玫

我是南鄰老言尋潭北邨秋花開遍野江水曲通門

環座人三省論詩酒一尊聯吟歸去晚古渡月黃昏

胡世俊

小雨霏三徑高人聚一廬惟君能愛客似我亦耽書
江涸沙痕濶秋深柳影疏傳杯愜幽賞麗句媿相如

謁王公詞

滇南李廷璧

謁廟時因諸生偶曰天地有正氣公即隨筆續成

天地有正氣臨危竟致身所關在守土不愧稱純臣

嵇侍爭先轍文山屬替人重來瞻廟貌直道感州民

臨漳行書楊海梁方伯事

塾江李惺西滙

陳竺山孝廉客死臨漳縣署遺一妾一女女幼

妾適人併攜以去楊海梁方伯訪得之因育於

崇慶州志

卷之十

藝文詩

三

家余過汴聞其事傷孝廉之淪落歎方伯之賢
豪難已於言爰成斯製

袞袞京雒塵悠悠烈士心有客客長安萬恨填胸襟

出門無所適不如近婦人婦人以色重何惜千黃金

四角流蘇帳中有合歡衾前有青玉案後有綠綺琴

柳枝方結翠桃葉未成陰良夜忽夢游似是廣寒府

丹闕閒空青又似青琳宇一鳥翻然下歲鞋好毛羽

化爲五色珠繫以絲一縷覺後互相猜將無舉一女

無何聞嗁聲呱呱已索乳錦襪玉連環掌上時摩撫

戲言身後意圖書將付汝女似解爺意嬰媿未能語

勿謂不如男慰情已如許叩門忽有客問客從何來

客言奉主命來從漳水隈探懷出素書字字皆瓊瑰
上言久離別下言長相思君能過存我我能拔君才
讀竟三歎息故人情未衰行當作報書衷衷復衷衷
素交三五人都已聞此事各各來問訊亦以袖中字
讀竟咸歎息問君去也未徐乃語諸君窮薄寡所諧
鬱鬱久居此終與時勢乖何地無黃土我死當我埋
出京計已決事速安排便呼平頭奴卜肆揀良辰
東市雇車馬西市辦行滕安排都妥帖門前車麟麟
一家惟三口三口惟一身行路豈不難未敢厭風塵
京師有素交京外有良朋行與故人別轉與故人親
道里未云遠車馬去何急故人喜相見方謂膠與漆

崇慶州志

卷之十

藝文詩

三

何期居無幾幽憂遽成疾鶴鷓屋角唳寒蟲號其室
月黑風蕭蕭燐然燈一粒姬人抱弱女側坐掩面泣
語卿且勿泣生死一呼吸相憐會相捐明日非今日
善視襖中兒故人當汝卹命也可奈何一棺吾事畢
棺內目不瞑棺前淚不乾郎死妾隨死飲鴆非我難
妾死兒不活飲恨難自寬郎之視此女不啻芝與蘭
訣別無他語語苦心則酸生女與生男骨月無兩般
天屬綴人心恩愛誰能拚抱兒跨驢去兩驢扛一棺
得返故鄉閭節義固所安何哉夫已氏自稱爲月老
言有入幕賓軒然負奇表適欲續鸞膠因緣抑何巧
再三前致詞詞窮繼以惱此問非汝家安得長相保

寡鵠不高飛何如比翼鳥聞鸚聞此言一慟慟便倒
痛哭呼所天夜臺天失曉哭聲鬼不聞聞之增懊悵
出京計大錯在京死亦好泉下同哭魂與骨俱槁
傷哉薄命人欲了那得了窮途遭逼迫力弱莫能拘
出腹一塊肉未忍脫懷抱宛轉且相隨去去大梁道
別成連理枝終是斷腸草京外有良朋京師有素交
素交三五人何人最賢豪觥觥方伯君初時官刑曹
自送漳水別旋即擁旌旄漳水客且死聞之心切切
死者長已矣生者究焉如落月猶屋梁曙後星已孤
零丁復伶俜輾轉難爲圖旬宣至大梁以此問府吏
吏曰固知之某今家某地謂吏既知之盍卽爲我致

崇慶州志

卷之十

藝文詩

三五

隨以肩輿往報以女且至旣至喜可知乍見翻欲淚
不復見而翁見汝猶髣髴吾是汝父執汝今實孤稚
吾視汝猶女汝以父吾視後堂見夫人夫人喜有餘
薰以蘭麝香被以翠羅裾盤絲親與繫寶髻親與梳
匳側何所有錦贖碧紗廚清晨受女誠鐙下讀父書
相攸擇儒素當有夫壻殊汴人聞此事稱之不容口
我輩亦赤子惟公眾人母世人聞此事感喟徹心脾
古道日凌替盍以公爲師人生恃故人故人安可恃
人生無故人遺恨將胡底濁者何滔滔清者何瀾瀾
清濁自分明不見漳河水

分州八景

署懷遠
鎮州同吳爲楫

文井觀濤

文井江邊連夜雨水生疑是廣陵濤衝岩欲破毛郎
險疊浪爭齊六頂高屋冷幾家敲斷岸橋平何處覓
輕篙沙隄歲歲煩修理歎息閭閻畚耨勞

西山積雪

西山千仞峭摩天積雪峩峩不計年氣逼炎江紅日
冷影凝斷嶺白雲連更無草木通春信只有冰霜守
謫仙到此熱腸消欲盡誰能蠟屐上層顛

雙枏古翠

危梯曲直化成山遙指榎枏翠靄間地抱千峯尋古
徑天留雙樹護禪關曾經劫火飛樵悴歷數春風亦

崇慶州志

卷之十

藝文詩

三

等閒說與今人渾不識日斜惟見鳥飛還

六頂晴嵐

天彭井絡自西來雲際屏風六幅開巫岫削青分半
壁海峯複翠聚層臺涼收雨氣秋妝淨煖結煙痕夕
照迴莫笑江邊官冷落好山無數入吟杯

竹筧飛泉

山家無井汲應難樹杪橫斜竹數竿隔嶺石泉通細
竇連筒雲液瀉朱欄烹來野茗香逾細閣處浮筠潤
不乾縛向茅簷承曉霽更教盈缶雨初殘

鐵橋橫嶺

西山對峙鬱岩巖下有驚湍不受橈萬丈鎖池曾貫

鐵半空度嶺忽飛橋城中車馬無來往天上虹霓亦
動搖何似平砑春水漫柳陰閒過話漁樵

沙堤月色

囊沙籠石壓長堤歲久桑陰斷作蹊秋雨截流乾五
里春原劃界護千畦魚梁水落瓜仍蔓鴉陣煙銷柳
不齊小閣臨江涼月上教人鄉思遠悽悽

茶市春聲

麥顥相傳蜀郡茶仙雲滿樹足生涯圓開雨後光陰
速市比春前笑語譁翠壓一肩來遠販香浮幾釜借
鄰家誰知客裏饒鄉物玉筍林中又茁芽

謁漢趙順平侯墓

墓在大邑銀瓶山下

州舉人吳

錦原名錫川

崇慶州志

卷之十

藝文詩

三七

漢賊兩字誰解此相國武侯而已矣持此大義勸英
君伐吳能諫真將軍將軍昔本公孫將英雄眼識平
原相棄瓚絕紹匪徒然要作漢家真保障先從先帝
漢水湄後輔後主祁山師自壯而老七十載先後曾
無敗北時人說將軍膽無偶我說將軍義自守不然
徒以膽略雄平襄亦自大如斗獨怪將軍志破曹北
伐生平不憚勞何哉墓乃銀瓶下西南蓬蒿骨一把
我思蜀漢之時南蠻夥鎮蠻惟有將軍可南方定同
北伐功將軍相國共始終君不見靜惠山亭亭子小
武侯神位香煙繞靜惠山平雲亭供武侯神位山與銀瓶相接

老女嫁

東鄰女嫁年三五梅花額點柳腰舞西鄰女嫁年二
八綺羅箱載香車轄三五二八俱新春冶態豔情嬌
殺人呼我爲姊向我笑阿姊毋乃長守貧守貧豈甘
以貧老待價玉惟韞匱好七三莫詠標梅詩女誠一
篇奩具寶一朝六禮冰人通孟家光配梁家鴻性說
幽嫺與貞靜關關第一周南風回問鄰家諸女伴夫
壻豪奢珠玉散不然山上採薜蘿織素織縑幾變換
吁嗟乎少女以色事丈夫老女以德奉慈姑慈姑孝
奉人稱賢宜室宜家好百年寄語男兒求配偶莫笑
人間有老女

謁忠武公墓

州學正
內江人劉稭 太古

崇慶州志

卷之十

藝文詩

三八

生則忠武之略汾陽功死則九芝之莖百尺松墓門
紫氣瞳瞳上直撲參井摩蒼穹我偕童輩謁公墓吁
嗟乎公在海宇平公亡國步艱公不見大江南北豺
狼徧上厓 聖慮已三年武官多惜命文官總愛錢
安得忠廉勇毅如公者身經百戰圖凌煙公墓存公
不死側聞賊食夔巫米願假公靈庇桑梓

弔王參軍

國英四首

州舉人吳國麟

史筆光增靖遠營丹心一點冠羣英蜀中自古無降
將海外於今有令名不愛身家偏愛國爲貪節義敢
貪生九原未了嘆夷恨願矢忠魂定太平

其二

共說楊家百戰功又傳王氏盡孤忠幾多國士千人
上都產唐安一郡中剩有精誠光日月全從險阻見
英雄元勳昭勇公存節並享千秋血食隆

其三

常山氣節又推君視死如歸信不羣強項果爲真國
士斷頭纔算大將軍千秋朗照甯波月萬里孤飛玉
壘雲兩字佳名俱稱實道來齒頰有餘芬

其四

曾經賜馬出都門鞭指西洋氣欲吞勇冠三軍勞國
士身輕一死報君恩誰將富貴留今古獨抱忠貞廕
子孫故里年年芳草綠杜鵑何處喚歸魂

崇慶州志

卷之十

藝文詩

三

和楊馨山司馬

州牧

李象昇

湘西卜築兩三椽聽說甘棠萬口傳客到長沙非小
謫才如宋玉有鴻篇也因漁父曾招隱自種桃花不
計年清福名山多領略世間何者是神仙

庚午初春交州篆旋省諸生賦詩贈行日占留別

州牧

易紹琦

一律

撫字無才早息肩臨歧却喜贈新篇媿他競置離亭
酒如我難行上瀨船去住隨緣偏惜別窮通有命總
由天斯文議論存公道敢要人間造孽錢

因公下鄉途中卽事

州牧

沈恩培

承齋

入耳時聞叱犢聲田家播種又催耕馳驅竟日勞民

事疏雨斜陽傍晚行

雨後赴街子場勘盜案歸途中即事

小隊弓刀出郡城時署中招有丁數十人郊原新綠喜縱橫千

家時雨欣沾足正馬衝寒得意鳴底事萑苻多不靖

自慚教化少裁成馳驅風雪塵勞甚為慰茅簷蔀屋

情

元通場滙江橋成丙子三月董事李三超等請開

橋爰約同城偕往喜橋工之告竣樂利濟以無

窮賦詩記事

岷江風浪走如雷鐵索橋橫一道開驅使魚龍歸海

島好看雲水映樓臺誰施砥柱迴瀾力穩度高車駟

崇慶州志

卷之十

藝文詩

四

馬來同上橋頭頻眺望安危須仗出羣才

因公下鄉見新秧滿插喜而有作

四望平疇盡插秧農家辛苦及時忙千畦裊裊搖新

綠一水盈盈茁嫩黃卽此滿篝勤力作瞬看多稼慶

豐穰宵來一雨天清朗郊外微行趁晚涼

丙子冬日崇陽歲試場中作

崇陽兩次典文衡珊瑚網重開鑒別明豈僅詞章歸月

旦還期器識樹風聲遺珠偶得添欣賞全璧難求費

品評翰墨因緣今再結提攜多士不勝情

客秋寄居楊瑞庭弟舍朝夕譚心相得歡甚今春

旋省臨別悵然賦此誌感

成都孫

洽琴泉

浮生難得買山錢半載安居賴主賢容我春秋佳日
過別君風雨客情牽林泉後約應如願詩酒今生合
有緣小院鸚鵡聲啼不住留人花鳥亦流連

時咸豐戊午

送沈承齋出牧崇陽

聞說蒼生望使君前旌歡擁宰官身丹毫久紀循良

績昔任西充卓著循聲

赤甸新霑撫字仁棠廕西川歌牧伯梅

吟東閣趁詩人年年策馬江源路徧看河陽滿縣春

光緒乙亥

輓楊小海陣亡

州人邢夢麟

蟻聚雲屯擾蜀州將軍忠義重山邱一腔熱血沙場
灑百代英聲簡冊留天意似教繩祖武君家不愧舊

崇慶州志

卷之十

藝文詩

三

公侯劇憐此夜星如椀墜落西江水不流

黑石江大水唵

無端灌口妖龍怒噴沫迷空走妖霧驚濤駭浪響如
雷劃然劈破滄江路唐安黑石小支流片時千丈洪
波注鼉梁巨石經百年浪捲有如摧枯樹可憐一帶
美田庄嘉禾盡淹沙石布沿江民咸沒涎宮更有漂
存江心住老親稚子啼屋梁四面波狂無炊處哭聲
震野鬼神愁安得陽侯來守護我亦倚杖望江濱搔
首問天究何故吁嗟世事本茫然滄海桑田或有數
辛酉三月朔八日劉月生與道元通場錢姑死賊
事甚詳愴然有感作烈女唵吊之

西江之濱有錢姑年纔十五六姑貌如花遠勝人姑
心如石是所獨賊兵壓境渡江來喊殺聲聞震瓦屋
姑泣告母此何時忍使須臾遭玷辱兒請先死母後
亡保兒潔身歸泉窟數賊歘然闖入門姑已投纒氣
未絕賊覩驚魂眼半開胭脂血漬紅蓮萼大聲呼母
至親爲解其纒謂我暫時去當復來盤桓嗟哉姑唇
忽年啟怨母胡不速我死與其甦而遇賊徒愴悲曷
若死而面父猶歡喜粉頸復上連環扣并請母力斷
吾脰貞魂瞬到王母旁應共飛瓊侍左右俄頃數賊
果重來母亦驚跳浪水隈賊心頓化菩薩腸一半聲
憐一半哀珠玉不敢毀松柏未忍摧代整衣裳加翡翠

崇慶州志

卷之十

藝文詩

望

翠移入新樁就安埋嗚呼噫嘻我聞千村萬落多美
娥慘遭逆賊喚奈何不捨芳顏便湮沒有如糞壤聚
田螺誰似錢姑明如雪岷山巉巉乃其骨銅爲肝兮
鐵爲肺錚錚然與孝子忠臣光日月

石魚歌

雙流 劉曙

石魚寺中石魚古鱗鬣爛編蝕苔土飛騰變化定何
年皂江吼浪疑風雨皂江東流金馬嘶金馬神歸越
嶺西秦庭空自留陳寶漢使何勞記碧雞此魚當日
作何用厭勝豈亦如五犀不然銀漢星精墮暫向滄
江學高臥三十六麟歷歷真八千萬億忽忽過琳宮
有記認前明龔屬豐碑幾變更石鼓山頭經再劫木

魚聲裏悟三生當時青犢撓川陸妖祲飈馳滿巴蜀
梵王宮殿化飛灰釋子蓮花走麋鹿此魚當日何處
潛鯨鐘鼉鼓空華嚴昆明劫火埋黃壤寶像浮閭失
拜瞻吾聞龍門之鯉解幻化萬里長風直凌駕何爲
守涸溷塵緣暴腮不遇琴高跨鳴鶴山前石鶴飛蜀
川仙跡記依稀此魚墮落未解脫夔屈乃抱潛蛟譏
天陰則乾晴則溼此魚亦似善知識神物隱現自有
時千年呵護維摩力卽今殿宇重輝煌彤階石磴喜
光昌緋衣懸袋科名兆石盈精氣連穹蒼

咏梅花

四首

州人苟

乾

繁華夢醒水雲寬雪壓霜侵影未殘到處疏狂無定

崇慶州志

卷之十

藝文詩

四三

格一生風雅不知寒怪來骨瘦憐君少太覺詩庸贈
我難爲問羣花誰管領先春放與眾人看

其二

每於淡處見精神石欄苔封養性真冰雪有誰能耐
冷山林無我不生春風中獨立渾高士眼底相逢半
俗人縱是溪橋村路窄回頭不悔臥雲身

其三

也隨驛使遍天涯也愛孤山處士家誰抱熱腸頻對
酒便逢冷眼亦開花暗香不闕風先引避俗須知世
太華堪笑春中夢蝴蝶幾曾識得一枝斜

其四

輸他凡卉逐時宜，獨向空山放幾枝。枯處尚留根穩，固生來不藉葉扶持。偶逢何遜香彌古，未識林逋品已奇。鐵石心腸誰寫出，和羹風味廣平知。

輓胡德瑛七律二首

辛亥舉人李春鑑

一枕黃梁夢竟成，先生長此伴盧生。先生死於邯鄲縣仙凡

覲面應無分，師弟關心諒有情。再世可還陪杖履，雙難雅望繼簪纓。只憐絳帳椿猶茂，好古勤求勝老彭。

其二

義氣豪情罕與儔，品題早識韓荆州。文章盡洗寒酸態，麴蘖全消傀儡愁。三十年人談虎觀，先生掌教書院年才三十五千里路首狐邱。及門尚憶丹鉛訓，幾個英雄到白頭。

崇慶州志

卷之十

藝文詩

四

頭

酬友生早秋

以下採全唐詩補

唐

求

一作球

彤雲將欲罷，蟬柳響如秋。霧散九霄近，日程三伏愁。殘陽宿雨霽，高浪碎沙漚。祛足餘旬後，分襟任自由。

客行

上山下山去千里，萬里愁樹色野橋。暝雨聲孤館秋，南北眼前道東西。江畔舟世人重金玉，無金徒遠游。贈著上人

掩門江上住，盡日更無為。古木坐禪處，殘星鳴磬時。水澆冰滴滴，珠數落纍纍。自有閑行伴，青籐杖一枝。

馬嵬感事

冷氣生深殿，狼星渡遠關。
九城鼙鼓內，千騎道途間。
鳳髻隨秋草，鑿輿入暮山。
恨多畱不得，悲淚滿龍顏。
酬舒公見寄

無客不言雲外見，爲文長遣世間知。
一聲松徑寒吟後，正是前山雪下時。

題三峽堂

宋進士張 續 唐安人

羣山危立接雲天，一水來朝會百川。
泱莽堪輿無此狀，崔巍疏鑿是何年。
千秋躍馬興王夢，萬點飛鳥上下船。
時有剛風來撲面，起予高興九霄邊。

登八陣臺覽諸葛武侯遺像長句

白帝城西魚復浦，十月江平見津滸。
當年壘石紛成

崇慶州志

卷之十

藝文詩

四

行此地臥龍經，講武轅門外。
建嚴中權列陣相承在，後伍何人蛇勢識。
常山未數魚麗矜，鄭拒懸知精神貫。
金石尚想號令嚴，鉦鼓老兵料敵應。
疑生川石沉波其敢侮，向令赤伏有遺符。
下覲皇州直指取，云何遺蹟司神明。
獨勒豐功被寰宇，高城置酒供臨眺。
往事興懷增歎憮，巍然王佐三代前。
信矣名言照千古。題千佛岩和察罕廉訪韻

明舉人 劉成穆 州人

丹壁蒼崖赤鐵楹，岩頭石溜蘚苔生。
千年刻劃蛟龍舞，白日陰暝麋鹿行。
金草細搖蘿洞冷，玉魚橫過石梁清。
臨流拊樹看心折，野寺黃碑月二更。

遊霧中山

明舉人 曹 衡 州人

草鞋踏破萬層煙來到千山萬壑間石上池開涵玉
髓夜深雲冷浴嬋娟二弦盈處彌三島一脈分時映
百川想是瑤池宴王母西方畱此伴金仙

前題

明舉人盧可兆州人

策馬江村正麥秋翠微山色眼中流花邊鳥語如相
喚檻外松聲狀遠遊有客攜壺迎道左無心覓句渡
江頭明朝試整登山履莫負山靈解挽畱

自北來南館君府庭者舊矣禮貌有加而教育無

術述以贈別情見乎辭

共三十韻

國朝拔貢門 裔

北向北辰髮正元南冠南竄髻霜連猿嘒鶴唳魂消

崇慶州志

卷之十

藝文詩

四

矣虎隊豺羣意黯然錦水原來通海柱金台一跌墜
仙田層霄鍛翮須臾頃萬里辭家十七年實負趨庭
陪鯉對虛唵出谷聽鶯遷劬勞未報雲浮狗肢體徒
存蛻幻蟬棠棣花飄悲異地鬢髦飾盡恨終天祇餘
驥子縈離抱那覓鸞膠續斷絃東閣梅花空爛熳西
湖月色自嬋娟此間非惡腸迴蜀彼美堪懷目斷燕
春正何時書肆肯封廳逐日望三錢誠占解雨滋枯
卉暫揲雷雲守故疆罰念柔鳴驚嗑電功希養正取
蒙泉鳳皇羽短將宜急啄木紫長數定前詎待歌魚
升幸舍謬勞設醴秩賓筵子莊易學心源永安道書
樓世澤綿誨爾初殊聽藐藐嘲師幸免腹便便如金

受治終成器惟木從繩自中懸所愧不模兼不範
知齊聖更齊賢多才豈靳身爲宰善教還須志可傳
酒崇因之橫跋扈愁魔藉以恣紛纏揮觴勉強追歡
笑欹枕沉吟抱悶眠此去荆篲彈莫定將來馬齒老
誰憐有朋發朝蘭溪上唅我停驂柳樹邊挫折重哀
陳白玉飄零似惜李青蓮眉揚淑氣芝堪挹腹有剛
腸竹共堅健筆宛驚風雨落新詩直較玉珠妍論文
時訪鄣筒醞得句還詢薛井箋不羨蠅螢充弔客爲
蘄雞詔返仙廬蒙知越石如平仲倘脫丹書願執鞭

崇

志

卷之十

藝文詩

四

聞官軍克復江甯誌喜

五言

州舉人

胡

麟瑞生

氣運逢陽厄殷憂啟

聖圖頻年紆

廟算羣盜卒

天誅禍本延西粵妖氛煽兩湖逗留成大患戰守失良謀
鐵甕環天塹金陵鞏帝都元凶垂手得諸帥汗顏無
十二年相拒東南壁盡屠烟花三月黯金粉六朝蕪
赤縣連兵火蒼生轉粟芻貂蟬真半座蛇豕自盈途
幸有元戎在憑將大厦扶相才期管葛將畧備孫吳
幕下璠璣集行間杞梓俱令先嚴伯格財盡募葫蘆
知勇爭馳驟公誠易感孚荆榛開歙浦麋鹿逐姑蘇

崇慶州志

卷之十

藝文詩

四

一月嘗三捷全師注一隅舟連瓜步遠壘壓石頭孤
吉爾丹飛颺開义密奮呼木鵝書已斷銅馬氣還粗
茁羽遙穿甲雲棚密繞郭網真張四面禽肯失三驅
裂地千霆震填壕一鼓踰鷹掀空兔窟草薙絕駒株
遣騎宵追逸搜渠曉就俘蚩尤旗寢耀桐柳血流汚
市上懸頭爛棺中剖骨枯妾希天作父洪逆賊黨每食必祝呼天
父空結鬼爲徒露布敷天快論勳上相殊鶴原同拜
爵虎幄並分符貢舉新開榜瘡痍盡復租哀邱高築
罷雄鎮眾商趨歷代衣冠地

皇朝賦稅區偶然疏管鑰久矣陷萑苻黃閣親臨視滄桑
付歎吁傳霖深蘊釀嵩雨遍涵濡

帝亶知人哲臣忘戮力劬任專寬督責持重濟艱虞從此
遵平蕩狂邁漫覬覦遙聞長白上

王氣接

天衢

聞官軍戰捷綿州 六首

秋風吹送捷音來多少蒼生笑眼開此輩向稱無敵
賊而今始覩出羣才三軍氣挾風雷壯百里聲騰鼓
角哀從此王師如破竹青州餘孽已心摧

其二

頗牧居然出

禁中六經內自有英雄共推卻穀爲儒將應使劉錡愧

崇慶州志

卷之十

藝文詩

四

戰功再鎮星河千里肅一揮羽扇兩川通

朝廷無復憂西顧全蜀安危付鄭公

其三

誰詡英雄物色真到頭野性未能馴敢欺樊噲曾屠
狗不信王忠解噉人每望黑山爭避舍獨探金穴奮
忘身而今始識從軍樂縱不封侯也不貧

其四

未掃黃龍又白波軍興三載近如何傷心猿鶴千年
恨冷眼貂蟬半坐多杜牧談兵空自許班超投筆欲
誰過將軍近忽從天下高臥滄江聽凱歌

其五

棘門壩上盡見嬉挾策風塵欲謁誰空舞劉琨燈下
劍恨無朱亥袖中椎風寒四野號鴻雁月冷千村臥
虎羆聞說臨淮軍令肅甯徒整頓舊旌旗

其六

岳王樓城鼓鼙聲十萬黃巾一戰平此後死生容自
主從前功罪且休評軍屯古戍需糧進農闢荒田帶
血耕安得春陵賢刺史恤民難後請寬征

水災 八首

四面洪濤一望同混茫不辨畝南東奇災涪洞懷襄
後大雨昆陽戰鬪中沉陸難回龍漢劫安流應念鼈
靈功田禾漂沒知多少共卜明年米價豐

崇慶州志

卷之十

藝文詩

辛

其二

萬壑千溪注一川驚湍橫擊石俱穿豈今元會將消
地從古梁州是漏天未雨防疏財是惜其魚禍大蔓
誰延不知內外堤全壞幾許金錢始得填

其三

軍聲十萬夜洶洶難遣錢王弩卒攻近岸人家張破
敗掀天水勢李橫沖荒寒澤畔無噉雁零落江邊有
斷虹最是臨流悽絕處紛紛白骨浪花中

張李事見
歐北全集

其四

纔免兵荒又水荒斯民何罪竟難償蟲沙再劫歸流
落鋒鏑餘生墮渺茫饑溺關心誰禹稷變遷彈指幾

滄桑捍災固是河堤吏尤望閭閻積善禳

其五

一河開作幾條河歷歷烟村付逝波市遠魚兒隨漲
入宵深龍伯列燈過人騎破屋饑號斷鬼積哀邱裸
葬多縱獲餘生無着處此番應得免催科

其六

昔鑿離堆溉數州關雒臺下判鴻溝源通一勺穿羊
膊派衍雙渠出虎頭蛇籠歲常糜帑費鶉居今半沒
河流大江東去知何似地勢茲猶近上游

其七

建瓴而下勢難平太息中流柱已傾山口舊有象鼻
殺分水勢為何

崇慶州志

卷之十

藝文詩

三

員剗功枉鎔金成二丑禍將滅火正三更魚鳧國險

常憂水蛟蜃濤腥漸薄城愧我望洋徒一歎廻瀾無

計拯蒼生

其八

薄有先疇早蕩然數椽何惜付淪漣名如鄒湛沈千
古身學張融寄一船聊為牆頽編棘護且隨屋漏徙
牀眠獨愁江上松楸近魂斷濤聲落枕邊

李敬三同年書詢楊威肅公建專祠事係柬以詩

二首

雙鯉東來一笑迎書中何事最關情卞公忠孝堂宜
建朱邑丞嘗議未行冷淡一官腸自熱馨香萬古力

雞爭使君舊是君知己還待蘭言婉導成
屢承芳訊似寒梅歲暮遙憐花不開千里面隨青鳥
到五雲朶護紫泥來蘅蕪滿室香徐傾風雨孤燈夢
乍回指點相思難斷處輕煙一縷篆芸臺

家居偶詠 二首

年來好讀養生篇不作神仙也得閒至道終須求世
外多情猶自住人間窮途大阮狂俱滅暮歲東陽累
已刪婚嫁未知何日遂白頭愁對畫中山
蕭然四壁一燈青萬卷書真抵百城自食庾郎三品
菲恥嘗樓護五侯鱗家貧幸免催租擾客好無煩倒
屣迎相對未應談世事病中怕作不平鳴

崇慶州志

卷之十

藝文詩

三

古綿早行

匹馬巖關起雞聲唱未終一彎殘月下十里曉煙中
臨岸水光白隔溪燈影紅輸他田舍樂睡起日曠曠
壽郡侯易次京封翁封人 代饒肖峯作

文章鸞掖舊家聲門第高華品更清賢似蘇瓌宜有
子才如羅隱竟無名一官肯降風雲氣萬里難忘骨
肉情從此鶴書徵不起少微星又屬先生

仙侶相隨侍北堂金緋不換彩衣香風煙鄂渚鄉心
遠椿樹燕山世澤長最好家風惟孝友不傳縣譜亦
循良太邱素志何曾展留待元方次第償
捧檄脩然一鶴從更由錫類普仁風政成鼠碩鴻嘖

後人在棠陰黍雨中朗鑒高懸湖月白閒情分賞闌
梅紅親庭第一開心處聽說西州保障功
白頭望歸魯靈光瀟灑蓬壺日月長繞膝龍孫爭上
壽齊眉鴻婦尚相莊官清養却公家物宦遠心懸世
綵堂忠孝定知膺福厚榮封疊貢紫泥香

贈季社庭布衣 二首

樽前領略塵談清及誦文章見性情痛灑唐衢忠義
淚愁吟戎昱苦辛行名山盛業輕科第經世奇才屬
老成除却軍門親獻策從無一紙到公卿
是翁矍鑠古希餘青眼相逢覲面初自喜金蘭添老
友更從玉海讀奇書等身著作幾知己浪跡江湖無

崇慶州志

卷之十

藝文詩

三

定居太息憐才楊得意凌雲猶解薦相如

壬戌夏初分州不戒於火延燒五百餘家

郡侯程公聞之急往賑卹冒雨步行按竈給錢常自
指所服舊衣破褲勸諭人崇尚節儉安分聽天
民服其誠至有泣下者爰作七律以頌之

張劉文 秉唐

今朝纔識使君賢叔度車來望若仙人道素心如白
水我從赤地見青天連村竹走兒童馬破竈煙炊刺
史錢烏欲啣環無處覓長嘯破褲頌伊川

乙丑秋偕程少穎刺史重赴崇陽公幹甫入境居
民見之肅然起敬欣欣然有喜色而相告曰清

官又來矣父老爭迎歡聲載道此情此景心竊羨焉是誠爲民父母之樂境也若非當日惠澤旁流曷克臻此世之司牧均能若是何患不瘳睦成風以臻上理耶爰賦二絕以識之

朱 萼

一度梅花三度開

權篆崇陽
蟬聯三載

官民相賞信無猜當年

惠澤知多少沿路歡呼舊主來

爭迎父老笑顏開接耳交頭各暗猜載道口碑談舊政願教生佛得重來

崇慶州志

卷之十

藝文詩

三

雜體

夷門行

舉人謝攀雲青荊州人

大梁誰解報恩者聞說夷門抱關也得一知己死無憾公子為嬴停駟馬侯生從此輕頭顱此恩不酬非丈夫秦師耽耽圍趙急誰其救者惟盜符盜符只用美人計提椎兼約鼓刀屠八萬軍中殺晉鄙信陵旌旗邯鄲指回頭忽失白頭人一腔熱血送公子吾聞魯連恥帝秦談笑却退咸陽兵蹈海高風真絕代豈似螻蟻甘輕生以直報怨德報德宣尼權衡有極則動將一死驚愚眾侯生毋乃乖所用秦師再舉公子行這回又將何頭送七十老翁何所求今古茫茫土

崇慶州志

卷之十

藝文雜體

五

一邱戰國紛紛尚豪俠爾亦荆軻聶政流

渡黃河放歌

一河南北分鴻溝行人繞岸呼輕舟黃河之水拍天浮浩浩洶洶東南流片帆斜渡逐飛鷗榜人拏篙述因由此水源導崑崙邱龍門積石歸平疇隄防須用千貔貅不然民化魚鼈遊我聞黃河走中州茫茫禹蹟真千秋漢唐以來治績留河渠紀載紛可求誠得古法參今謀靳文襄與陳滄洲二公治河與古侔至今血食江南陬誰其繼者隳前猷沙淤漸塞河襟喉約束狂瀾如贅瘤一朝潰爛不容收往歲淮安水為讐蛟龍得意鴻雁愁疏築大集東諸侯功懋懋賞以

官酬遷秩每遭破格優防秋莫唱瓠子謳金錢內府
億萬搜

宵旰何時釋殷憂賴有

睿謨指示周橫流順軌羣蒙庥吁嗟未雨宜綢繆事惟師
古能久悠忽發狂言是也不河伯掀波如點頭

阻河歎

州舉人吳錦月溪

昔七月旣望予冒雨進省擬卽造歸爲河水所
阻留住省城三日始返棹歸有感而作

生小愛歌水調歌十年五次走黃河河北淀漳西涇
渭一帆風送不生波大河河水行自在小河河乃驚
險怪我昨冒雨出門行錦城城隔河流清足沾泥瀟

崇慶州志

卷之十

藝文雜體

七

都不顧向前直蹋船頭平船開過河河神笑君才不
是濟川料乘風破浪無有時故鄉乃自驚騰越蛟龍
領命逞麤材推波助浪掀天來鼈將鰕軍狂且舞不
許山陰返棹迴我問水仙知其故浣花溪頭三日住
任爾暴怒門喧虺書生駕不臨河誤今日歸來水半
消舟人指點說驚濤我向中流還擊楫直挽狂瀾告
河伯河兮河兮莫予欺暴漲之水不多時

水災行 己丑七月
二十一日

己卯之夏遊

帝閭淀河汎溢南星門丙戌之秋居錦里三日阻隔浣
溪水生平與水慣有緣僑居處處波滔天插腳中流

吾豈敢歸來息靜樂安便陽侯恠我不能奮河于河
測無人問特遣水仙駕浪來推波助瀾大力運秋闌
豈必雨翻盆夜半豈有雲雷奔驀地黃沙迷皓月喧
脰溯泮赴吾門濤頭千丈落來陡排牆一聲霹靂吼
魚鰕浮上階前游蛟龍滾入堂中走扶母下牀牀頭
平背兒出戶戶簷傾一家男婦老幼二十有餘口半
身衣溼拖泥行行上樓高高處立水亦步步相追及
湧進一波又一波幾次撼搖人拱揖忽報天明曙色
開水平四面汎無涯白馬西河成一片何人疏淪與
決排我疑此地龍爲蠱數里魚腥相吞吐飛書城內
喚兒回城門已被水攔阻始知此水橫流洪多少人

崇慶州志

卷之十

藝文雜體

五

葬魚腹中郡守遣人親弔問怕子去伴三閭翁予笑
水亦平平耳洗我寒酸當如此安得望洋學大方細
讀南華問蒙莊

遊晉原同劉東堂登平雲亭放歌

東堂卽亭岐

我恨不獻凌雲賦欲向臨邛問其故晉原山隔邛山
遙山山邀我雲中住東堂先生今相如飄飄人擁烏
皮烏廿載雲龍一朝聚笑指此山卽蓬壺我問山名
名靜惠有亭矗立層雲際尋山無那出城門禪門對
處鎖雲根梯雲一折出林表城郭人家看了了看之
不足到山腰東南兩面丹青描丹青現出東南勝我
道奇山一覽盡仰面忽見雲點頭似招我上山頂遊

上山不覩雲萬變當山特厥亭三面一面闊逾兩面
雄何不亭心四面空奮足蹋將後壁破亂山突入穿
胸過山驅雲鎖荒亭低亭納雲與我身齊雲兮亭兮
我平等我對雲亭聊自省既無范華陽青苗諫阻之
箴規又無陸務觀綠野天垂之詩詞三休但將亭棲
遲四岳那得雲迷離如此名山如此景請向山中只
自怡山神聞言如繾繾排雲四出苦迷戀劉郎一笑
撥雲開呼雲送我下天台我回城中夜已半開窗望
雲雲不見耿耿奎星照書案崑東堂於亭上奎神位前燃燈以照文光
割股療翁歌為楊松山學博媳趙孺人作
天子教人先以孝青氈一席勤勤導孝思廣藉教思

崇慶州志

卷之十

藝文雜體

七

傳和氣一家尤感召松山先生今蘇湖卅年孝字訓
羣儒頭銜新換唐安署兒媳團成福壽圖圖成老翁
眞饗鑠優游盡日健行腳天心欲表純孝人二豎無
端來畫閣陡然玉唾不能起三珠樹隔錦城裏松山子三
人趙娥太息出閨房何以報公空爾爾提刀誓明神
救親不有身肉既切心如裂血千行腸百結一臠和
藥進高堂孝水煎成續命湯血性凝時團骨肉精誠
達處逐膏肓我聞割股之事無旌例特表奏

聞許大吏

恩賞還能格外邀

朝廷分明有深意如茲刀抹血淋漓那問旁人知不知

誠心爲之乃至孝子朱子言真吾師吁嗟乎割股晉
臣氏割股鄆人子渠本昂藏一丈夫此不鬚眉乃簪
珥人言阿媳孝真忱我說阿翁教澤深敦孝年年宣
聖諭獲報方傳女史箴從今靜養期頤壽血精永結櫺星
佑君不見 覺舍宮前羣鳥翔聲聲勸人反哺將

慶州志

卷之十

藝文 雜體

五

志

晉

蜀志

江常璩

蜀之爲國肇於人皇與巴同圍至黃帝爲其子昌意娶蜀山氏之女生子高陽是爲帝嚳封其支庶於蜀世爲侯伯歷夏商周武王伐紂蜀與焉其地東接於巴南接於越北與秦分西奄峨嶓地稱天府原曰華陽故其精靈則井絡垂耀江漢遵流河圖括地象曰岷山之精上爲井絡帝以會昌神以建福夏書曰岷山導江東別爲沱泉源深盛爲四瀆之首而分爲九江其寶則有璧玉金銀珠碧銅鐵鉛錫赭堊錦繡

崇慶州志

卷之十

藝文志

五

麓犀象氈毼丹黃空青桑漆麻紵之饒滇獠竇爨僮僕六百之富其卦值坤故多斑綵文章其辰值未故尙滋味德在少昊故好辛香星應輿鬼故君子精敏小人鬼黠與秦同分故多悍勇在詩文王之化被乎江漢之域秦隴同詠故有夏聲也其山林澤漁園囿果瓜四時代熟靡不有焉有周之世限以秦巴雖奉王職不得與春秋盟會君長莫同書軌周失綱紀蜀先稱王有蜀侯蠶叢其目縱始稱王死作石棺石槨國人從之故俗以石棺槨爲縱目人家次王曰柏灌次王曰魚鳧魚鳧王田於湍山忽得仙道蜀人思之爲立祠後有王曰杜宇教民務農一號杜主時朱提

有梁氏女利遊江源宇悅之納以爲妃移治郫邑或
治瞿上七國稱王杜宇稱帝號曰望帝更名蒲卑自
以功德高諸王乃以褒斜爲前門熊耳靈關爲後戶
玉壘峩眉爲城郭江潛綿洛爲池澤以汶山爲畜牧
南中爲園苑會有水災其相開明決玉壘山以除水
害帝委以政事法堯舜禪受之義遂禪位於開明帝
升西山隱焉時適二月鵑鳥鳴故蜀人悲子鵑鳥鳴
也巴亦化其教而力農務迄今巴蜀民農時先祀社
主君開明位號曰叢帝叢帝生盧帝盧帝攻秦至雍
生保子帝帝攻青衣雄張獠焚九世有開明帝始立
宗廟以酒曰醴樂曰荆人尙赤帝稱王時蜀有五丁

崇慶州志

卷之十

藝文志

卒

力士能移山舉萬鈞每王薨輒立大石長三丈重千
鈞爲墓志今石笋是也號曰笋里未有論列但以五
色爲主故其廟稱青赤黑黃白帝也開明王自夢廓
移乃徙治成都周顯王之世蜀王有褒漢之地因獵
谷中與秦惠王遇惠王以金一笥遺蜀王王報珍玩
之物物化爲土惠王怒羣臣賀曰天奉我矣王將得
蜀土地惠王喜乃作石牛五頭朝瀉金其後曰牛便
金有養卒百人蜀人悅之使使請石牛惠王許之乃
遣五丁迎石牛旣不便金怒遣還之乃嘲秦人曰東
方牧犢兒秦人笑之曰吾雖牧犢當得蜀也武都有
一丈夫化爲女子美而豔蓋山精也蜀王納爲妃不

習水土欲去王必留之乃爲東平之歌以樂之無幾物故蜀王哀之乃遣五丁之武都擔土爲妃作冢蓋地數畝高七丈上有石鏡今成都北角武擔是也後王悲悼作與邪歌龍歸之曲其親埋作塚者皆立方石以志其墓成都縣內有一方折石圍可六尺長三丈許去城北六十里曰毗橋亦有一折石亦如之長老傳言丁士擔土擔也公孫述時武擔石折故治中從事任文公歎曰噫西方智士死吾其應之歲中卒周顯王二十二年蜀侯使朝秦秦惠王數以美女進蜀王感之故朝焉惠王知蜀王好色許嫁五女於蜀蜀遣五丁迎之還到梓潼見一大蛇入穴中一人攬

崇慶州志

卷之十

藝文志

空

其尾掣之不禁至五人相助大呼拽蛇山崩時壓殺五人及秦五女并將從而山分爲五嶺直頂上有平石蜀王痛傷乃登之因命曰五婦冢山內平石上爲望婦塚作思妻臺今其山或名五丁冢蜀王別封弟葭萌於漢中號苴侯命其邑曰葭萌焉苴侯與巴王爲好巴與蜀讎故蜀王怒伐苴侯苴侯奔巴求救於秦秦惠王方欲謀楚羣臣議曰夫蜀西僻之國戎狄爲鄰不如伐楚司馬錯中尉田真黃曰蜀有桀紂之亂其國富饒得其布帛金銀足給軍用水通於楚有巴之勁卒浮大舶船以東向楚楚地可得得蜀則得楚楚亡則天下并矣惠王曰善周慎王五年秋秦大

夫張儀司馬錯都尉墨等從石牛道伐蜀蜀王自於葭萌拒之敗績王遜走至武陽爲秦軍所害其傅相及太子退至逢鄉死於白鹿山開明氏遂亡凡王蜀十二世冬十月蜀平司馬錯等因取苴與巴焉周赧王元年秦惠王封子通國爲蜀侯以陳壯爲相置巴郡以張若爲蜀國守戎伯尙強乃移秦民萬家實之三年分巴蜀置漢中郡六年陳壯反殺蜀侯通國秦遣庶長甘茂張儀司馬錯復伐蜀誅陳壯七年封子惲爲蜀侯司馬錯率巴蜀衆十萬大船舶萬艘米六百萬斛浮江伐楚取商於之地爲黔中郡五年惠王二十七年儀與若城成都周迴十二里高七丈郫城

崇慶州志

卷之十

藝文志

空

周迴七里高六丈臨邛城周迴六里高五丈造作下倉上皆有屋而置觀樓射圃成都縣本治赤里街若徙置少城內城營廣府舍置鹽鐵市官并長丞修整里闡市張列肆與咸陽同制其築城取土去城十里因以養魚今萬歲池是也惠王二十七年也城北又有龍壩池城東有千秋池城西有柳池冬夏不竭其園囿因之平陽山亦有池澤蜀之漁畋之地也赧王十四年蜀侯惲祭山川獻饋於秦孝文王惲後母害其寵加毒以進王王將嘗之後母曰饋從二千里來當試之王與近臣近臣卽斃文王大怒遣司馬錯賜惲劍使自殺惲懼夫婦自殺秦誅其臣郎中令嬰等

二十七人蜀人葬惲郭外十五年王封其子綰爲蜀侯十七年聞惲無罪冤死使使迎喪入葬之郭內初則炎旱三月後又霖雨七月車溺不得行喪車至城北門忽陷入地中蜀人因名北門曰咸陽門爲蜀侯惲立祠其神有靈能興雲致雨水旱禱之三十年疑蜀侯綰反王復誅之但置蜀守張若因取笮及其江南地焉周滅後秦孝文王以李冰爲蜀守冰能知天文地理謂汶山爲天彭門乃至湔氐縣見兩山對如闕因號天彭關髣髴若見神遂從水上立祀三所祭用三牲珪璧沈瀆漢興數使使者祭之冰乃壅江作壩穿郫江檢江別支流雙過郡下以行舟船岷山多

崇慶州志

卷之十

藝文志

三

梓柏大竹頽隨水流坐致材木功省用饒又溉灌三郡開稻田於是蜀沃野千里號爲陸海旱則引水浸潤雨則杜塞水門故記曰水旱從人不知饑饉時無荒年天下謂之天府也外作石犀五頭以厭水精穿石犀溪於江南命曰犀牛里後轉置犀牛二頭一在府市市橋門今所謂石牛門是也一在淵中乃自湔堰上分穿羊摩江灌江西於玉女房下自涉郵作三石人立三水中與江神要水竭不至足盛不沒肩時青衣有沫水出蒙山下伏行地中會江南安觸山脇溷崖水脈漂疾破害舟船歷代患之冰發卒鑿平溷崖通正水道或曰冰鑿崖時水神怒冰乃操刀入水

中與神鬪至今蒙福夔道有故蜀王兵闌亦有神作
大灘江中其崖嶄峻不可鑿乃積薪燒之故其處懸
崖有赤白五色冰又通笮通汶井江徑臨邛與蒙溪
分水白木江會武陽天社山下合江又導洛通山洛
水或出瀑口經什邡郫別江會新都大渡又有綿水
出紫崖山經綿竹入洛東流過資中會江陽皆溉灌
稻田膏潤稼穡是以蜀川人稱郫繁曰膏腴綿洛爲
浸沃也又識齊水脈穿廣都鹽井諸陂池蜀於是盛
有養生之饒焉漢祖自漢中出三秦伐楚蕭何發蜀
漢米萬船而給助軍糧收其精銳以補傷疾雖王有
巴蜀南中不賓也高祖六年始分置廣漢郡高后六

崇慶州志

卷之十

藝文志

七

年城夔道開青衣孝文帝末年以廬江文翁爲蜀守
穿湔江口溉灌繁田千七百頃是時世平道治民物
阜康承秦之後學校陵夷俗好文刻翁乃立學選吏
子弟就學遣雋士張叔等十八人東詣博士受七經
還以教授學徒鱗萃蜀學比於齊魯巴漢亦立文學
孝景帝嘉之今天下郡國皆立文學因翁倡其教蜀
爲之始也孝武帝皆徵入叔爲博士叔明天文災異
始作春秋章句官至侍中揚州刺史元光四年置蜀
四部都尉元鼎二年立成都十八郭於是郡縣多城
觀矣六年分廣漢置犍爲郡元封元年分犍爲置牂
牁郡二年分牂牁置益州郡六年以廣漢西部蜀南

郡爲越巂郡北部冉駹爲汶山郡邛笮爲沉黎郡合置二十餘縣天漢四年罷沉黎置兩部都尉一治旄牛主外羌一治青衣漢民孝宣帝地節三年罷汶山郡置北部都尉時又穿臨邛蒲江鹽井二十所增置鹽鐵官蜀自漢興至於哀平皇德隆熙牧守仁明宣德立教風雅英偉之士命世挺生感於帝思於是璽書交馳於斜谷之南玉帛踐乎梁益之鄉而西秀彥盛或龍飛紫闥允陟璿璣或盤桓利居經綸皓素故司馬相如耀文上京揚子雲齊聖廣淵嚴君平經德秉哲王子淵才高名雋李仲元湛然岳立林翁儒訓詰元遠何君公謨明彌諧王延世著勲河平其次楊

崇慶州志

卷之十

藝文志

奎

壯何顯得意之徒恂恂焉斯蓋華岷之靈標江漢之精華也故益州刺史王襄悅之命王褒作中和頌令胄子作鹿鳴聲歌之以上孝宣帝帝曰此盛德之事朕何以堪之卽拜爲郎降及建武以後爰迄靈獻文化彌純道德彌臻趙志伯三遷台衡子柔兄弟相繼元輔司空張公宣融皇極太常仲經爲天下材英廣陵太守張文紀號天下整理武陵太守杜伯特能決天下所疑王稚子震名華夏常茂尼流芳京尹其次張俊秦宓英辯博通董扶楊厚究知天文任定祖訓徒同風洙泗其孝悌則有姜詩感物寤靈禽堅精動殊俗隗通石橫中流吳順赤烏來巢其忠貞則王皓

隕身不傾朱遵絆馬必死王累懸頸州門張任守節
故主其淑媛則有元常紀常程玦及吳幾先絡郫之
二姚殷氏兩女趙公夫人自時厥後龍宗有鱗鳳集
有翼摺紳邵右之疇比肩而進世載其美是以四方
述作有志者莫不仰其高風範其儀則擅名八區爲
世師表矣其忠臣孝子烈士貞女不勝詠述雖魯之
詠洙泗齊之禮稷下未足尙也故漢徵八士蜀有四
焉然秦惠文始皇克定六國輒徙其豪俠於蜀資我
豐土家有鹽銅之利戶專山川之材居給人足以富
相尙故工商致結駟連騎豪族服王侯美衣娶嫁設
太牢之廚膳歸女有百兩之徒車送葬必高墳瓦椁

崇慶州志

卷之十

藝文志

十

祭奠而羊豕夕牲贈襪兼加賄賻過禮此其所失原
其由來染秦化故也若卓王孫家僮千數程鄭各八
百人而郗公從禽巷無行人簫鼓歌吹擊鐘肆懸富
侔公室豪過田文漢家食貨以爲稱首蓋亦地沃土
豐奢侈不期而至也讚曰蜀之爲邦天文井絡輝其
上地理岷嶓鎮其域五岳華山表其陽四瀆則汶江
出其徼故上聖則大禹生其鄉媾姻則黃帝婚其族
大賢彭祖育其山列仙王喬升其岡而寶鼎輝光於
中流驪龍仁虎躍乎淵陵開闢及漢國富民殷府腐
穀帛家蘊畜積雅頌之聲充塞天衢中穆之詠侔乎
二南蕃衍三州土廣萬里方之九區於斯爲盛固乾

坤之靈囿先王之所經緯也

序志後語

巴蜀厥初開國載在書籍或因文緯或見史記久遠
隱沒實多疎略及周之世侯伯擅威雖與牧野之師
希同盟要之會而秦資其富用兼天下漢祖階之奄
有四海梁益及晉分益爲甯司馬相如嚴君平揚子
雲陽成子元鄭伯邑尹彭城譙常侍任給事等各集
傳記以作本紀略舉其隅其次聖稱賢仁人志士言
爲世範行爲表則者名注史錄而陳君承祚別爲耆
舊始漢及魏煥乎可觀然三州土地不復悉載地理
志頗言山水歷代轉久郡縣分建地名改易於以居

崇慶州志

卷之十

藝文志

七

然辨物知方猶未詳備于時漢

一本無漢字

晉方隆官司

星列提封圖簿歲集司空故人君學士蔭高堂翳帷
幙足綜物土不必待本紀矣曩遭阨運函夏滔堙李
氏據蜀兵連戰結三州傾墜生民殲盡府庭化爲狐
狸之窟城郭蔚爲熊羆之宿舍遊雉鹿田棲虎豹平
原鮮麥黍之苗千里蔑雞狗之響邱城蕪邑莫有名
者嗟乎三州近爲荒裔桑梓之域曠爲長野反側惟
之心若焚灼懼益遐棄城隍靡聞迺考諸舊紀先宿
所傳并南裔志驗以漢書取其近是及自所聞以著
斯篇又畧言公孫述蜀書咸熙以來喪亂之事約取
耆舊士女英彥又肇自開闢終乎永和三年凡十篇

號曰華陽國志夫書契有五善達道義章法戒通古
今表功勳而後旌賢能恨璩才短少無遠及不早援
求餘光於灰塵之中剗滅者多故有所闕猶愈於遺
忘焉

蜀紀言三皇乘祇車出谷口秦宓曰今之斜谷也及
武王伐紂蜀亦從行史記周貞王之十六年秦厲公
城南鄭此谷道之通久矣而說者以爲蜀王因石牛
始通不然也本紀旣以炳明而世俗間橫有爲蜀傳
者言蜀王蠶叢之間周迴三千歲又云荆人鼈靈死
屍化西土後爲蜀帝周葺弘之血變成碧珠杜宇之

崇慶州志

卷之十

藝文志

六

魄化爲子鵠又言蜀椎髻左衽未知書文翁始知書
學按蜀紀帝居房心決事參伐則蜀分野言蜀在帝
議政之方帝不議政則王氣流於西故周失紀綱而
蜀先王七國皆王蜀又稱帝此則蠶叢自王杜宇自
帝皆周之叔世安得三千歲且太素資始有生必死
死終物也自古以來未聞死者能更生當世或遇有
之則爲怪異子所不言况能爲帝王乎碧珠出不一
處地之相距動數千里一人之血豈能致此子鵠鳥
今云是鵠或曰鵠周今按說文云蜀王望帝姪其相
妻慙亡去爲子鵠鳥故蜀人聞
子鵠鳴皆起云望帝鵠戶圭切所言與蜀志
所述相似爾雅亦云鵠周子鵠鳥也出蜀中四海有
之何必在蜀昔唐帝萬國時雍虞舜光宅八表大禹

功濟九州后稷封殖天下井田之制庠序之教由來遠矣孔子曰述而不作信而好古竊比於我老彭則彭祖本生蜀爲殷太史夫人爲國史作爲聖則僊自上世見稱在昔及周之末服事于秦首爲郡縣雖濱戎夷亦有冠冕故蜀紀曰大人之鄉方大之國也至于漢興反當荒服而無書學乎漢書曰郡國之有文學因文翁始若然翁以前齊魯當無文學哉漢末時漢中祝元靈性滑稽用州牧劉焉談調之末與蜀士燕胥聊著翰墨當時以爲極歡後人有以爲惑恐此之類必起於元靈之由也爲智者辨其不然幸也綜其理數或以爲西土嶮固襟帶易守世亂先違道治

崇慶州志

卷之十

藝文志

堯

後服若吳楚然故逋逃必萃奸雄闖覲蓋帝王者統天理物必居土中德膺命運非可資能恃險以干常亂紀雖饗竊名號終於絕宗殄祀何者天命不可以詐詭而邀神器不可以僥倖而取也是以四嶽三塗陽城太室九州之險而不一姓冀之北土馬之所產古無興國夫恃險憑危不階歷數而能傳國垂世所未有也故公孫劉氏以敗於前而諸李踵之覆亡於後天人之際存亡之術可以爲永鑒也干運犯歷破家喪國可以爲京觀也今齊之國志貫之一揆同見不臣所以防狂狡杜奸萌以崇春秋敗絕之道也而顯賢能著治亂亦以爲獎勸也其序曰井絡啟耀文

昌契符茫茫禹蹟畫爲九州功冒普天率土以休光
靈遐照農祚爽流邦家濟濟世德球球述蜀志第三

崇慶州志

卷之十

藝文志

十

傳

一等昭勇侯楊忠武

國史列傳

楊遇春四川崇慶州人乾隆四十四年中式武舉於四十五年入本省督標効用四十九年甘肅石峰堡回民不靖四川總督福康安率師往討遇春隨征出力拔補龍安營把總五十三年復從福康安出師臺灣討平叛逆林爽文敘功

賞戴藍翎遷茂州營千總五十七年復隨征廓爾喀在事有功擢四川城守右營守備五十九年福康安調雲貴總督遇春隨赴雲南六十年二月黃州逆苗

崇慶州志

卷之十

藝文傳

三

石柳鄧聚圍正大營喫腦營松桃廳三城湖南逆苗石三保等圍永綏廳附首逆吳半生爲亂三月遇春隨福康安督兵赴黔勦賊屢戰克捷連解正大營等處賊圍將賊寨盡行燒燬捷入

賞換花翎復隨

欽差都統額勒登保分兵赴湖南援永綏圍亦解四月攻克竹子山蘭草坪賊寨福康安上其功

賜勁勇巴圖魯名號遷雲南督標中營都司尋以擒首逆吳半生於高多寨擢四川松潘營遊擊仍下部議敘嘉慶元年二月遷四川普安營參將十月以進勦平隴賊巢奮勇出力得

旨以應升之缺升用旋擢廣東羅定協副將十一月逆苗吳廷義成擒苗疆肅清復下部議敘時湖北教匪滋事延及川楚各省

上命額勒登保移苗疆兵至湖北勦辦林之華覃家耀等股匪遇春從焉二年五月敗賊於長揚縣之廖家臺六月敗賊於打子臺閏六月賊竄宣威建始等縣遇春跟蹤追勦於羊公頭尚書巒長坪壘有殲擒又殲賊於官店口賊竄金果坪逼近金雞口糧臺遇春帶兵繞至護守果有賊匪窺伺擊卻之復追擊於白魚寨均斬獲無算十月賊踞恩施圍子嶺抗拒官兵遇春奮擊復敗之賊竄歸州絡報寨

崇慶州志

卷之十

藝文傳

七

三年正月進攻絡報寨其地懸崖峭壁四面斗絕遇春夜縋而登率士卒冒矢石鼓勇直進生擒首逆覃家耀僞元帥張正潮並擒賊目覃加師等百餘名殲賊黨無算是時賊匪有青黃藍白線等號又設掌櫃元帥先鋒總兵等僞稱

上命額勒登保移師赴陝西商額一帶迎勦襄陽白號高均德黃號姚之富齊王氏股匪遇春隨征入陝三月抵興安偵知賊目李全等自盤屋趨藍田欲與高齊等逆合遇春帶兵躡擊殲擒二千餘人首逆高均德自領南竄秦嶺遇春率兵追擊至紫溪嶺斬獲甚夥五月復隨額勒登保赴湖北會同四川

將軍肇興等勦辦襄陽藍號張漢潮股匪賊屯聚南漳爲我兵所截竄遁穀城遇春帶兵由章村棚兜勦四面夾擊斬級五千生擒九百餘人六月敗賊於竹山之菩提河餘匪竄入陝界遇春仍隨勦入陝七月擊賊於平利之孟石嶺敗之九月在廣元之吳家河擊勦高均德李全等股匪克之殲賊千餘十月偵聞閬中儀隴邊界之張公橋有賊匪橫竄遇春帶兵衝截獲賊張漢潮之子正澐賊首羅其清遁走大鵬寨時遇春丁父憂請回籍守制額勒登保以軍務緊要奏請仍留本任得

旨允行尋擊賊於觀音坪連奪賊卡遂破大鵬寨勦洗過

崇慶州志

卷之十

藝文傳

三

半殲斃羅其清之父從峒擒賊目苟彬羅其清遁入青觀山十二月復攻克青觀山寨擒賊目苟文如魏應聘羅其清復竄巴州之蔡家梁遇春連戰連捷逆首羅其清及其子泳福弟其書其秀皆就獲伏誅是月擢甘肅西甯鎮總兵官四月追勦青號逆首徐天德股匪至廣安之蕭家溪賊方躡渡遇春分兵抄截殲賊千餘名淹斃無算賊竄新甯之仁市鋪與黃號股匪王光祖合勢復張遇春間道繞出賊前兜擊之復斃賊多名二月敗徐天德於大竹之童家場三月迎賊月藍號股匪包正洪分三路兜圍敗之於大竹之南山坪殲戮甚眾適

川省月藍號股匪蕭占嚨張長更自閬中趨營山
遇春移師迎剿連戰於黃土牆譚家山殲賊六千
餘斬占嚨長更於陣得

旨嘉獎並下部議敘四月追勦白號偽元帥張子聰於梁
山向家場逐北二十里賊由陳家場分路竄逸官
兵緊躡賊踪至雲陽之大黃山四方山周家壩一
帶俘斬多名賊遁竄太平之楊家山與襄陽黃號
首逆樊仁傑太平黃號股匪龔建合復竄至開縣
譚家壩遇春率官兵分路攻擊痛殲其眾五月張
子聰竄竹峪關與通江藍號股匪冉天元合遇春
攻克賊卡賊潰奔杜家坪旋向鎮龍關奔逸欲與

崇慶州志

卷之十

藝文傳

七

青號股匪王登廷合時王登廷方踞馬鞍寨七月
遇春攻克馬鞍寨進至酆都扶齊灘又克之適偵
知甘肅白號股匪楊開甲竄至杜家坪卽由葱子
坪翻山迎擊斬馘無算仍旋師西鄉漁渡壩追勦
王登廷登廷奔土子子遇春奮勇截擊殲賊一千
八百人生擒八百餘人獲偽元帥靳有年等九月
追勦阮正滢股匪於廣元之雲霧山斬級五百正
滢死於陣十月勦徐添德股匪於雞公梁殲賊千
餘時王登廷折回川境與冉添元合遇春率兵窮
追十二月疊戰於巴州花叢埡老觀廟鷹背梁皆
有斬獲王登廷子身竄至南江縣鄉勇追獲斬之

五年三月擢甘肅提督先是首逆白號張添倫繞至黑河

上以黑河與甘省徽縣兩當接壤並可直趨秦隴

詔遇春由棧道西出賊前奮力攔擊至是遇春敗張添倫於成縣嚴家壩又敗之於兩當之二郎壩大破之於燕子嶺均俘馘無算時楊開甲方擾商雒遇春由寬坪擊之賊將由龍駒寨竄河南遇春豫扼龍駒寨痛殲賊眾賊西竄豫境以安敘功

子雲騎尉世職並

賞賚焉五月白號股匪劉允恭劉開玉糾合賊眾屯踞東安之大小中溪遇春率兵進擊輾轉兜截三十餘

崇慶州志

卷之十

藝文傳

三

里殲擒允恭開玉及其餘黨又擊敗襄陽黃號股匪伍金柱於漢陰之手板崖又擊之銅錢窖陣斬首龐龐洪勝擒其子龐有兒及賊目楊大燕等計俘斬五千餘六月追及楊開甲於洋縣之茅坪俘馘二千餘斬開甲於陣壘邀

獎賚並下部優敘時黃號伍金柱藍號冉學勝張世龍白號張添倫馬五先後竄遁甘肅連兵窺陝西遇春由陝入甘出棧道直趨三岔山進勦在東岔河東河橋迭次俘斬無算賊不能東逸並將老林匿匪陸續搜捕殲二千餘人又有白號股匪陳傑盡殲其黨仍回兵甘境三岔河堵勦賊兵夜至犯我師

遇春有備擊敗之而成都將軍富成等以無備被
戕適甘肅巡撫台布請增兵

諭曰行軍勝負全係將領之才與不才不在兵之多寡卽
如賊匪前次攻撲各路營盤惟楊遇春早有准備
轉獲勝仗卽其明證八月擊斬伍金柱於城縣之
峽溝又擊斬賊首宋麻子於鳳縣之潘家溝九月
勦高二戴四股匪於西鄉之螞蝗溝又追擊於舊
司河殲斃偽總兵楊永祥並斬獲賊黨十月白號
馬五黃號王廷詔等連兵踞安康銀硃壩遇春率
馬步兵三路勦殺由銀硃壩追至吳家河沿賊大
潰殲賊目徐二貓張誠詹如貴獲賊目柯如德等
崇慶州志

卷之十

藝文傳

美

將餘孽逼過漢南陝省南山肅清

上嘉之

賜裘服十一月追勦徐添德及高馬等逆於安康平利界
疊有斬獲賊仍分股竄逸遇春卽由安康渡江從
漢陰截勦以遏商雒之路十二月以冉逆等竄近
武關遇春復出子午谷入蘭田一帶迎截遏賊東
竄在喬家溝冷水河連戰克捷賊不能窺豫楚邊
界

上以遇春衝寒冒雪不辭勞瘁

嘉之六年正月截擊冉學勝股匪於石泉之兩河石塔寺
殲斃冉學勝之子更枝賊目冉大志張廷桂斬級

四百生擒三百餘人得

旨賞賚時高三馬五王廷詔等經官兵逼勦竄至五郎之藥壩遇春方追勦冉逆途次偵知之乘夜掩擊俘斬多名獲僞帥方世傑二月追勦高三馬五後股賊匪由斜峪關躡擊截其由陝入甘之路復趨舊州舖鋼廠截勦其前股殲擒甚眾尋追及王廷詔於川陝邊界鞍子溝擒之均邀

賞賚並下部議敘是役也遇春奮勇追賊晝夜馳四百餘里馬逸驚墜受傷仍力逐北卒擒其渠

上九嘉獎並

溫詔垂詢焉三月

崇慶州志

卷之十

藝文傳

七

上念遇春前任副將時丁憂留軍營帶兵已屈服滿未能回籍經理喪葬

賞銀三百兩給遇春家屬俾無分心家事並

諭以軍務告竣後卽當賞假省看墳塋四月高馬二逆竄至禪家巖遇春料賊必由甯羌州之二郎壩奔逸急率兵趨斜谷先抵二郎壩分兵伏龍洞溪旣而賊果至盡殲其眾高三馬五及馬五之子秉太姪秉全秉明僞元帥朱泗林僞總兵張世德等皆就擒捷

聞晉騎都尉世職五月擊冉學勝於紫陽之天池山敗之賊竄木蓮橋督兵追擊途次聞白號僞元帥

張添倫等五股合兵屯聚洵陽高唐嶺移師往勦克之六月敗張添倫於孤家坡賊復走與冉學勝合遇春揮兵兩路奮擊擒添倫殲賊眾無算捷入賜以

御用玉鞞荷囊七月以黃號首逆曾芝秀等敗遁入川戴四崔胡等逆亦向川潰竄遇春入川追勦八月擊賊於通江之報曉埡痛殲賊眾生擒藍號首逆冉添泗王士虎及偽總兵王士勤等餘匪竄大池壩遇春冒雨疾追又擒賊目米九礮等多名得

旨獎賞並下部優敘十一月擊藍號股匪李彬於達州劉家壩擒賊目魏中均唐執禮餘匪南竄復進至高

崇慶州志

卷之十

藝文傳

七

家河殲其眾擒賊目龐思宇楊應學多名七年二月

上念遇春晝夜奔馳實已不遺餘力屢以

溫諭慰勉之六月在龔家灣獲苟逆妻羅氏子三皮子七月苟文明就擒得

旨嘉獎下部議敘是月調固原提督十二月川陝楚勦捕逆匪大功勘定

諭曰楊遇春自隨征以來在諸將領中勇畧尤著節次殲擒首夥各逆爲數較多著加賞二等輕車都尉世職八年正月追勦零匪於觀音廟天池寺鐵廠溝皆有斬獲七月以陝境太白山有零匪竄出

上命遇春迅速督率官兵極力搜勦以期早就廓清又命自箭桿山以東至安康平利二竹邊境一千餘里分段各鎮將均歸遇春統領督飭巡搜九月以南山餘匪復有蠢動遇春未將賊數據實揭報褫花翎十月丁母憂

賞銀五百兩經理喪葬仍暫留軍營帶兵尋議以陝境東西二千里道里綿長與川省地界犬牙相錯仍防兵株守段落巡察難周酌將防兵歸整掃適中扼要之地安設抽調防兵內三千名作爲勦兵往來截勦其龍池場迤西一帶另備勦兵防賊西竄諭獎其籌辦得當九年正月

崇慶州志

卷之十

藝文傳

五

命將陝省南山隘口及江防專交遇春堵禦三月以在馬溪客僧河一帶殲斃賊目苟文華等功

賞還花翎七月在鳳凰寨勦捕零匪斬擒僞先鋒羅思蘭等多名餘黨竄南山三五成羣時復嘯聚遇春帶兵窮搜深山老林蹤跡殆遍將首逆苟文潤及各號賊目以次殲擒夥黨悉數斬獲九月三省全功告蕝得

予優敘賊氛旣掃

欽差領侍衛內大臣德楞泰等議於三省邊界添設新兵巡邏彈壓以遇春聲威素著兵勇悅服請令暫駐漢中查察訓練十一年二月回籍守制百日孝滿

由原籍入

覲七月行抵西安聞甯陝新兵陳達順等滋事卽會同陝西巡撫方維甸帶兵馳往查辦

上以遇春能以公事爲重

嘉之九月賊由郿縣斜峪關南竄桃川五里坡遇春帶兵迎擊殲賊多名擒賊目彭貴等卽分官兵緊躡追勦賊勢窮蹙賊目蒲大芳率其黨乞降縛送首逆陳達順陳先倫向貴磔于軍事平下部議敘時投誠叛匪內有曾充兵丁者二百餘人德楞泰令仍歸原伍

上以德楞泰辦理錯謬壞法養姦遇春旣不勸阻又不據

崇慶州志

卷之十

藝文傳

十

實參奏隨同附和有辜任使下部議處議降三級調用

命加恩改爲降四級留任又以勦辦叛匪時官兵在芳柴關臨陣潰散將遇春解任交陝甘總督全保四川總督勒保查明參奏十二月降補甯陝鎮總兵官

諭口楊遇春戰功較著且管兵有方眾心知感擢任固原提督並未到任此次甯陝叛案及固原等營官兵潰散皆非伊任內之事自應量予從寬已將楊遇春降補甯陝鎮總兵嗣後當妥爲管束使營伍日就整肅十二年瓦石坪叛匪韓金堂等滋事遇春偕提督薛大烈分兵進勦盡數撲滅得

旨褒獎下部議敘十三年入

覲

命在乾清門侍衛上行走仍授固原提督十四年查閱陝
安漢中營伍請將訓練懈怠之都司徐龍光等降
革有差

上以遇春認真考較據實甄別

諭嘉之十八年九月直隸長垣教匪不靖延及河南戕害
官兵據滑縣城勢甚猖獗

上命遇春選帶將弁馳赴豫省協同

欽差大臣直隸總督溫承惠勦賊尋
詔陝甘總督那彥成前赴軍營接辦

崇慶州志

卷之十

藝文傳

全

欽差事務遇春得聯銜奏事十月遇春行抵衛輝偵知賊
匪方踞道口其黨數千分屯兵樂集衝擊斬馘六
百餘餘匪竄歸道口越日道口之賊傾巢而出與
官兵抗痛殲之斬賊千餘斷浮橋絕其西竄之路
遂令諸軍進攻道口克之毀其巢殲賊萬餘救出
難民無算乘勝進攻滑縣四面合圍先分兵擊滅
桃源輝縣匪黨之應賊者殲首逆李文成俘斬賊
眾無算十二月克復滑縣城殲賊萬餘生擒二千
餘救出難民二萬餘械首逆牛亮臣徐安悃等赴
京師磔於市敘功

賞二等男爵

賜紫禁城騎馬並以黃馬褂及諸珍物
賚之適陝省南山匪徒萬五因木廠停工乏食糾眾倡亂
上以遇春熟習南山情形聲威素著

命帶吉林黑龍江馬隊六百名並酌分蘭州固原勁兵迅
赴陝西會同陝甘總督長齡相機勦辦十九年正
月

諭曰楊遇春謀勇素著忠君急公此次辦理滑城叛匪三
月之間掃除淨盡實屬可嘉功成之日奉令來京
陛見因陝省亂民滋事又令馳往會勦該提督及
所帶官弁兵丁倍加勞勩甚爲厯念務協同長齡
等奮勇妥辦一鼓盪平時賊首麻大旂劉二橫行

崇慶州志

卷之十

藝文傳

三

隴寶李大旂楊小一股匪又來與合馳桃花坪一
戰勝之躡勦至柏楊嶺其地兩山夾峙依傍老林
賊眾分屯嶺上我師張左右翼擊之遇春親督勁
兵由中路仰撲立殲麻大旂劉二賊驚潰我師乘
勝追勦盡殲其眾尋輯獲首逆萬五磔之傳首南
山二月又獲賊首龔貴殲賊首張占鼇餘匪淨盡
諭曰楊遇春忠誠奮發所向克捷厥功甚偉著加恩晉封
一等男

命與長齡會商陝省善後事宜三月偕長齡奏請移駐鐵
鑪川黃牛鋪等處營員並添募兵丁有差下部議
行二十五年九月

特加太子少保銜

賞戴雙眼花翎道光五年十月

命署理陝甘總督六年正月歸化城扎薩克喇嘛請赴甘肅大通一帶購買木植理藩院已議行遇春以採辦木植於民食邊防均爲有碍奏請停止

上從之六月回疆逆裔張格爾入卡滋事喀什噶爾辦事大臣巴彥巴圖等遇害遇春聞變撤烏魯木齊提督達凌阿巴里坤總兵官多隆武帶兵往援並奏請親率將士馳往勦辦

詔授遇春

欽差大臣關防率諸軍進討尋

崇慶州志

卷之十

藝文傳

三

命授伊犁將軍長齡爲揚威將軍總統軍務遇春暨山東巡撫武隆阿爲參贊大臣十月馳抵阿克蘇時喀什噶爾和闐英吉沙爾葉爾羌已相繼失守賊氛逼阿克蘇達林阿等敗之托什罕阿張逆復派賊目糾匪黨數千踞柯爾坪回莊阻大兵進勦之路我師分兩路抄截追至大郝紫爾卡倫盡殲其眾捷

聞

上以長齡遇春初到軍營卽獲勝仗足禡逆酋之魂

諭嘉遇春韜略嫻熟督率有方

命優加賞賚十一月

上念邊外沍寒

特賜遇春裘服七年二月師次大河拐有賊匪五萬屯聚洋阿巴爾特迎拒官兵先遣其黨夜襲大營我師擊卻之次日馳至洋阿爾巴特分三路撲殺賊大敗斬馘略盡張逆復糾賊十餘萬踞沙布都爾莊移師奮勇勦擊逼至渾水河痛殲之斬賊目色提巴爾第索丕卡克占巴克戰方酣西北林箐中突有賊出援遇春亟分兵迎擊斬獲無算餘賊竄阿瓦巴特回莊復糾合匪黨十餘萬負嶠抗拒我兵分馬隊潛繞賊後而以大兵攻其前三面夾擊賊不能支我兵奮勇掩擊俘斬二萬餘人殲賊目阿

崇慶州志

卷之十

藝文傳

四

瓦子邁瑪底那爾巴特阿渾追至洋達瑪河將沿河一帶回莊匿匪搜勦淨盡

上嘉遇春三獲勝仗懋著勛勤

特晉太子太保銜三月進攻喀什噶爾克之長齡駐喀城辦理善後事宜武隆阿因亦留駐喀城遇春遂督兵進勦四月連復英吉沙爾葉爾羌遇春駐葉爾羌撫綏回民別遣固原提督楊芳收復和闐先是克復喀城時首逆張格爾乘間竄逸及收復英吉沙爾張逆仍未就擒

詔削遇春太子太保銜至是敘克復四城功

賞還太子太保銜遇春子國佐以四川茂州營都司從征

亦

賞加遊擊銜時

上以張逆釜底游魂無難克期就獲不值多勞兵力

命長齡酌留官兵彈壓搜捕其餘官兵次第凱撤以息勞

勩而節糜費又

念遇春出關日久陝甘總督事務緊要

命督押凱撤官兵先行入關而遇春自克復回城後偵知

張逆由拉克沙竄往達瓦爾斯遂由莫吉沙爾與

楊芳分途出卡窮追久之卒未得張逆蹤跡七月

仍振旅而還楊芳追至塔爾克打板與賊接仗斬

賊千餘而官兵亦有傷損

崇慶州志

卷之十

藝文傳

全

詔以遇春等頓兵荒徼虛延時日糜費兵餉竟令零星殘

匪傷我官兵辦理不善咎無可辭與長齡俱下部

議處部議褫職

命從寬留任八年正月入

覲適生擒張格爾捷

聞

命開復任內一切處分實授陝甘總督

賞用紫韁

諭遣回任五月以俘解張格爾來京護解妥協下部議敘

六月

命圖形

紫光閣

御製贊曰少年從征進不知退拍馬橫矛善穿賊隊參贊
戎行克城賊潰寄以封疆無慚簡在九年九月請改涼
州協副將莊浪營遊擊二缺作爲題缺下部議行
十二月遇春七十生辰

御書綏邊錫祐匾額

三朝疆場宣勤久兩世封圻積慶多對聯及福壽字並壽
佛如意服物

賜之並

賜遇春妻田氏服物十年二月奏言口外梨貢向例由陝
甘總督衙門差派弁兵赴吐魯番採買雖經嚴立

崇慶州志

卷之十

藝文傳

六

限期飭令照額採辦誠恐道遠稽察難周其承辦
伯克輾轉假手亦難免藉端滋擾請停免以示體
卹

從之五月奏言涼州莊浪二滿營兵缺有間散眾多請借
款生息增設餘兵藉資調濟部議以增挑餘兵不
如酌補附近綠營兵額堪以行之久遠

命遇春於涼州莊浪二處綠營額兵內酌量均勻挑補二
成以資調濟六月又奏古城孳生馬厰倒斃過多
請飭烏魯木齊都統確切查辦以歸覈實

上是之八月喀什噶爾有安集延逆回入卡滋事遇春以
伊犁烏魯木齊及喀喇沙爾所轄之土爾扈特霍

碩特等處踞喀城較近飛檄調兵往援並檄甘肅提督胡超挑帶官兵先行出口迎探相機圖勦仍奏請檄調固原提標河州肅州西安漢中各鎮標官兵及西安滿營馬隊出關進勦疏入如所請行

詔頒發

欽差大臣關防

命遇春駐劄肅州妥辦後路事宜毋庸出關仍授長齡爲揚威將軍以都統哈朗阿固原提督楊芳參贊軍務九月遇春到肅州奏言分派司道大員會同營員照料滿漢官兵過境並請由山西陝西添雇駝隻以備軍需又奏自哈密迤西至阿克蘇計四十

崇慶州志

卷之十

藝文傳

七

站應支馬匹草料派員前往喀喇沙爾庫車等城購辦均報

聞十一年正月以官兵迎勦克捷卽將未到口外之東三省及四川官傳令沿途駐劄候撤又請將口外各城糧員酌量裁減並請撤肅州軍需局歸併蘭州以節浮費

上俱從之

諭令回任是月

京察

諭曰楊遇春身經百戰絕域宣勤畀以封疆克勝鉅任著交部議敘四月偕西甯辦事大臣恆敬奏籌添察漢扎

洛屯蒙古兵數分部各卡隨同官兵防堵操練得
旨允之十二年三月奏遵

旨議汰冗員請酌裁甘肅安西直隸州州判一員狄道固
原甯州三州隴西安定中衛三縣訓導各一員八
月偕陝西巡撫史譜奏請酌裁陝安鄜州州同一
員蒲城縣巡檢一員甯羌州黃壩驛丞一員褒城
縣馬道驛丞一員延安府訓導沔縣訓導各一員
又偕烏魯木齊都統成格奏言巴里坤古城濟木
薩三處馬厰孳生過多不能容牧酌擬留牧章程
以充兵餉而疏馬政一厰地不敷牧放宜量爲疏
通以免擁擠一牧兵毋庸添設以節糜費一定價

崇慶州志

卷之十

藝文傳

六

無取過重以紓民力一交價不可過遲以重餉項
一口老碎小之馬請按年頂替出厰估變一取孳
大兒騾馬不准以馬駒抵補兵部以所請三厰挑
變馬一萬二百餘匹爲數過多駁令再行覈實詳
查以杜浮濫至按年如數頂替出羣一節旣失從
前設厰取孳之意又啟將來任意挑變之私應毋
庸議餘俱議行遇春尋覆奏原請挑變之馬業經
詳挑實係不堪適用若不如數變估則水草不敷
良劣擁擠倒斃損傷勢所不免有關牧務請仍如
原奏辦理

上允之十年奏裁陝甘兩省馬步守兵一千九百五十名

馬四百餘匹所節省餉乾糧料爲撥補回疆新增防兵之用下部議行十三年甘肅都司葉昌泰規避防差不遂以派差辦事不公等詞捏款具稟遇春奏請查辦

諭曰楊遇春公忠體國實心膂股肱之臣朕所深信該都司意存挾制無知妄爲可惡已極著革職交刑部審訊鞠實治罪如律十四年正月

京察

諭嘉遇春中外宣勞功勳懋著下部議敘十二月臯蘭縣匪徒鄭勇年等糾眾滋事焚署傷官旋卽捕獲置之法遇春以未能先事防範自請處分議處如例

崇慶州志

卷之十

藝文傳

九

十五年正月因病陳請開缺

諭曰楊遇春起自行間厯事

三朝自少壯從戎每遇軍書旁午無不在事馳驅忠勇嚴明深嫻韜略功勳懋著洊邀五等之封朕御極後特加簡擢畀以陝甘總督重任復能盡心職守於邊省事務控制得宜訓練軍實整飭官方實心實力不避嫌怨老成威望中外皆知實朕股肱心膂之臣茲因年近八旬舊疾復發瀝情籲懇開缺調理若重違所請朕心實有不忍楊遇春著准其開缺緩程來京陛見親加慰勞量爲恩施以榮其行且俾伊得伸瞻戀之忱屆時再令回籍息心頤養優游林泉以示優待勳臣眷念無已至意

五月入

覲

命晉封一等侯在籍支食全俸並以

御製紫光閣畫像贊一軸及人褻服物

賜之又

賜

御書詩扇詩曰元勳入覲允歸榮功立才全際太平宣力

三朝邀寵錫抒忠百戰播威名官兼文武真難邁志篤廉

明永不更晉爵酬庸延後世林泉頤養話長生

諭令回籍十六年

特賜福壽字各一方人褻十兩交四川總督鄂山帶回給

崇慶州志

卷之十

藝文傳

卒

領時遇春子國楨丁母憂在籍

命服闋後迅即來京聽候簡用十七年二月卒於家遺疏

入

諭曰予告陝甘總督楊遇春自乾隆年間以武舉効力行

間每遇軍務無不在事馳驅身經百戰歷事

三朝懋著勳績前於嘉慶年間平定滑縣賊匪蒙

皇考仁宗睿皇帝賞給二等男爵紫禁城騎馬旂晉一等

男爵朕御極後賞加太子少保銜並賞戴雙眼花翎嗣

因克復回疆四城晉加太子太保銜賞用紫韁由提督

擢任陝甘總督恪共忠蓋實國家股肱心膂之臣前年

因年近八旬舊疾復發懇請開缺回籍調理朕不忍重

違所請特命來京陛見追念勳勞晉封一等侯爵准其
回籍支食全俸上年四川總督鄂山來京陛見朕特親
書福壽字二方頒發內府人獲十兩令鄂山帶回賞給
祇領方冀頤養林泉永膺祉福茲聞溘逝悼惜難堪披
覽遺章不禁垂淚楊遇春著加恩晉贈太子太傅銜兵
部尚書照尚書例賜卹入祀賢良祠賞銀二千兩經理
喪事任內一切處分悉予開復應得卹典該衙門察例
具奏伊子楊國佐著賞加副將銜所有應襲侯爵著楊
國楨承襲服闋後卽來京陛見以示朕優卹勳臣有加
無已至意尋

賜祭葬諡忠武十八年九月署四川總督蘇廷玉題請入

崇慶州志

卷之十

藝文傳

全

祀崇慶州成都省城鄉賢祠

諭曰已故陝甘總督楊遇春歷事

三朝身經百戰勤勞懋著功在旂常前已加恩入祀賢良

祠著准其人祀鄉賢祠毋庸再交部議子國楨襲侯爵

現官山西巡撫

